

+H

corpus: ReF.MLU

language-area: thüringisch

language-region: ostmitteldeutsch

language-type: mitteldeutsch

genre: P

medium: Handschrift

time: 15,1

reference: Hs.: Blatt (r/v), Kolumne (a/b), Zeile

corpus-sigle: F241, II-Da-P1,H

text: Eisenacher Chronik

text-author: Johannes Rothe

text-type: CB (Chronikalische und Berichts-Texte: Chronik)

assignment\_quality: -

hoffmann\_wetter\_nr: -

library: Berlin, Staatsbibliothek

library-shelfmark: mgq 252

date: 2. Vierte/Mitte 15. Jh.

place: -

text-place: -

printer: -

edition: Sylvia Weigelt (Hg.), Johannes Rothe, Thüringische Landeschronik und Eisenacher Chronik

size: -

language: fnhd

literature: -

notes-transcription: - Handschrift weist recto/verso Zählung auf; - Satzzeichen, wie etwa Trennstriche, Virgel und auch hochgestellte Buchstaben oder Zeichen v.a. zu Beginn sehr blass; - zwei verschiedene Absatzzeichen treten auf; diese sind in K-Klammern mit 1 und 2 bezeichnet.; 1: rote Wellenlinie/ rote Bögen, die Rest der Zeile ausfüllt (daher fällt hierbei die Abkürzung AdZLZ weg, denn der Rest der Zeile wird bei 1 immer ausgefüllt); 2: charakteristisches Zeichen; meist ein Doppelpunkt mit einer Schlaufe (ähnlich einem P) dahinter, die an Endungszeichen \{}&3 erinnert; - J und I schwer zu unterscheiden; als Initiale oder Majuskel tendenziell immer ein J; → hier als J transkribiert; - J-Initiale immer am Rand, neben der Zeile, hinunter führend, sodass keine Zeile beeinflusst wird; → keine Zeilennennung in Transkription: {}]; - y mit Zeichen als Superskript (°) stets ohne erkennbare Bedeutung oder Regelmäßigkeit; - x zeichnet sich durch Haken in Unterzeile aus; - Abkürzung für Christus bei 49r,18; transkribiert als X%9; - Nachträge anderer Hände treten in Form von Abkürzungen an der Seite auf; diese sind hier als Marginalien transkribiert (außer wenn unleserlich); - insgesamt sind vier verschiedene Hände vorzufinden; drei, die Haupthand durch Anmerkungen u. ä. ergänzen; → grüne Tinte = Hand aus ungefähr gleicher Zeit; die anderen Hände machen stichwortartige Anmerkungen, Korrekturen, Verweishände; - bei römischen Zahlen (Jahreszahlen) häufig hochgestelltes o über dem letzten c; → dies wird hier stets in K-Klammer vermerkt mit 0; - Unterstreichungen sind keine Tilgungen

abbr\_ddd: RothChro

extent: FnhdC: -; compl: 001r,01 - 059r,10

extent-size: FnhdC: -; compl: 18.715 WF

@H

F241-001r,01 Von Isenachis begyn JN den gecziten also dy Sachsin dy doringe vortrebin von der sehe do sue vor wonetin obir den Harcz In dit land das nue doringin genant ist vor cristus gebort Vnd dy dorin

F241-001r,02 ge vort vsz trebin dy wendin dy dit land yne hatten vnd besaszin Vnd deszir Stad nue ysenache or an sedil uff das nehiste hatten zcu lupinicz das bisher noch synen wendischin namen behalden had da zcogin dy wendin vort ober dy sal da vele stete Sloz vnd dorffin wen

F241-001r,03 dische namen noch habin also zeit schi

F241-001r,04 belitz kranswitz opolch rany pesznig triptis vma vnd derglichin Da tadin sich dy erbar luthe vme vnd ouch dy doringisschn gebuer vnd buwetin nuwe dorff dy sue nanten noch orme namen vnd radetin vsz den walt dez vel vme desze stad lag Also vtand buwete utanderade Hezal buwete Hezals

F241-001r,05 rade bere buwete beryngin hatte hattins

F241-001r,06 huszin goszbrecht goszbrechterade vnd varre varnrade bertold bertolderade Vnd derglichin vel Nue fundin dy doringe salcz harcz jsin stal schefirsteyn glaszur kuphir spad vnd manchirlei ercz an dem harcze do sue julius der romer von den sachsen loste vnd yn doringen von dem harcze bisz an den swarzen walt vnd von der saal bisz an dy werra ge

- F241-001r,07 ruwig vnd fredesam machte do vor
- F241-001r,08 suchten su ouch an dem swarzenwalde vnd der nue ist der doringir wald vme ercz vnd salcz ab su des icht fundin also uff deme harcze da fundin su salcz zcu Salczungin vnd etzlichin endin kuphir vnd ysin das woldin dy smede uff dem walde erbeytin da gebrach on des was
- F241-001r,09 sirs darczu das dy hemer tribit Da han sue abir dy list funden das suo das waszir da schueczczin bisz das su smedin wollin Darvme so brachtin dy ysingreber vnd dy waltsmede an dy horsil vnd dy nesze or ercz vnd buweten da or huszir vnd or hemer benedir vischbach vnd machtin da das ysin da wart darnach eyn martflecke darvme das man noch ysin dar fuer vnd ez holte also wart ome der name zcu ysinmache adir zcu Jsenach dit stetichin wart darnoch VNme blanckit vnd vme grabin dyt was zcweyvndfunffczig vnd hudert iar noch cristus gebort Jn den gecziten gar schire darnach da wart der metilsteyn gebuwit also Ez waren zcwene ge
- F241-001r,10 brudir zcu franckensteyn andirsit wal
- F241-001r,11 dis heeren da selbis vnd zcu salczungen der starb eyner vnd liez kinder vnd darvme so musten su sich teylen Nue bleib der eldister bruder zcu franckensteyn vnd synes bruder frouwin mid den kindern der gefyl der walt vnd dorff kegen deme nordin Dy frouwe hiez metile dy buwete an dit ende das Slos nach orme namen genant metilsteyn Von den doringischin kounic CZu den gecziten warin koninge yn deme lande zcu doringen abir nicht yn deme lande alleyne sundern ouch yn den andern darume gelegen dy quamen von frangrich also clodomus basimus yrmen
- F241-001r,12 fridus vnd waren yn doringen wenig bemuerete stete dane northuszin vnd schidingen Darnach also an schreib noch cristus gebort sobinhundert vnd virczig iar by koning karls dez groszin gecziten da bekarte sente bonifacius dorin
- F241-001r,13 ger land vnd dy ersten pharkerchen obir al dit land machte her zcu deme Aldenberge gelegin by Jorgentayl vnd wihete dy kerchin ocuh zcu Jsenache yn sente peters ere dy nue zcubrochin ist uff sente peters berge yn der alden stad vnd sente michaelis kerchin zcu obirnstete
- F241-001r,14 feld Vnd darnach also man schreib nach cristus gebort achthundert nuen vndachczig iar da richete konig karl der dritte des namen vnd was keyser der saczte alle koninge abe yn dutzschim landen uff das her alleyne gerichete also eyn konig Vnd machte synen mag konigen lodewi
- F241-001r,15 gen von doringen vnd hessen zcu eyne herczogen Noch deme wart herczoge lode
- F241-001r,16 wig syn son eyn here zcu doringen vnd zcu Jsenache Jn den gecziten buwetin dy graffen von kefirnberg das kloster zcu Jorgentail Noch deme quam herczo
- F241-001r,17 ge borgkart eyn here zcu doringen vnd zcu jsenache Jn des gecziten zcogen dy ungern dy heiden uff dy cristen mid groszim folke vnd vorterbetin dy swabin vnd dy beyer vnd darnach dy sachsen da retthin dy herczogen von deme ryne von sachsinn von doringen von beyern vnd von swabin zcusamene vnd worden des eyn Jn welchir or lande eyns dy ungern mer zcogin der solde den andern das schribin dy wolden ome zcu hulffe komen zcu pherden so her aller sterkest konde Also quamen dy vngern yn deme andern iare darnach vnd zcogen uff dy doringen vnd branten vnd vorherten das land vnd woldin vort zcu fulde vnd an den ryn da schreyb herczoge borgkart den andern herczogin also vor geschrebin stehit vme hulffe dy quamen ome or iclichir so her sterkest kunde vnd beit
- F241-001r,18 ten der vngern yn deme walde by Jse
- F241-001r,19 nache da su zcogen yn deme engin ge
- F241-001r,20 berge vnd da sue zcu der werra obir sul
- F241-001r,21 den vnd dy funff herczogen machten funff spitzen vnd der herczoge von doringen hatte den vorstrid mid deme fuezfolke vnd her wart da irslagen vnd darnach der herczoge von beyern der wert ouch irslagen da behilden dy ander dry herczogen das feld vnd irslugen zcu hundertmalin tusint vngern so wart der cristen da irslagin wol sechzig tusint man deszig strit geschach vor deme stetichin Jsenache da man schreib noch cristus gebort nuoenhundert vnd sechsvnddriszig iar dit habin dy vngern yn or kroniken geschrebin vor warheid Wy Jsenache des bischoffis von menecze wert Also nue herczoge borgkart zcu do
- F241-001v,01 ringen vnd zcu hessin von den vn
- F241-001v,02 gern irslagin wart da gefyl syn land an das romische riche vnd an den keyser otten vme das her nicht libis erbin liez der hette synen son wilhelmen gerne zcu eyne bischoffe zcu mencz gemachtit das ledig zcu deme male was vnd dy thumheren wolden syn nicht vme das her on zcu mechtig was da gelobete on der keyser were das su oen zcu eyne bischoffe korin so wolde her deme stifte das herczogetun zcu doringen vnd hessen mede gebin Also quam doringen an den stiftt zcu mencze vnd hatten das yne lengir dane achczig iar also was ouch das alde Jsenache des bischoffis Zcu menczen Jn den gecziten geschach ez das eyn koning zcu swedin starb Vnd liez eynen son der richere noch ome vnd syn muter genant frouwe reynswig dy betrubete sich sere vme oren heren wan her was or gar lieb vnd liez grosz gebeth haldin vnde vele messe vnd gab grosze almosin das or got uffin barte wo oris heren sele lede das dy erlost worde da wart or geuffin bart das her lede yn deme gemeynen fege
- F241-001v,03 fure der doringe das were eyn berg nahe by Jsenache vnd dy stad wart or be
- F241-001v,04 zceigit Da quam sue usz swedin kegin ysenache vnd an dy stat da her leid vnd fragete dy gebuer ab su da icht vor nemen dy darume geseszin waren dy sprochin su hortin zcu gecziten da bermelich geschrei vnd darume so wart der beig genant hoer sele berg den nue dy lute nenen der horsilberg Da buwete su an den berg vndin eyne kerchin

vnd brachte daryn vele gu

F241-001v,05 des heyligthumes vnd buwete da by eyn husz da su mid dren Jungfrouwen yne wonete demutlichin yn swarcz gecleidet also dy beginen vnd kouffte zcinsze vnd erbe das nue besiczzen dy von sente niclaue zcu ysenache vnd dy stad wart da vndin an deme berge geheiszin sathanas stad vme das der tufel or da irscheyn darvme so ist das dorff andirsit deme waszir noch setilstete genant Also nue des koniges sele von der konigyne reyns

F241-001v,06 wigen da irlost wart da lebete sue nicht lange vnd wart alda begrabin Vnd zcu oren Jungfrouwin quamen mer fro

F241-001v,07 mer armer meyde dy gote dynen wolden vnd gebruchten der zcinsze vnd almo

F241-001v,08 sin dy frouwe reynswig gelaszin hatte Nue gewunen sue also vele obirfalsz des nachtis von den luthen dy uff der strasse wandirten das on geraten wart das su zcogen kegin Jsenache vnd buwetin da by dy kerchin uff sente peters berg eyn clostirchin da woneten sue manche zcijd vnd neretin sich vnd dyneten gote Noch lag eyn ander kerche da an deme berge vszin

F241-001v,09 wenig deszim stetichin das was gewihit yn sente katherinen ere das ouch sedir zcu

F241-001v,10 brothin da wart Lodewig mit dem barte Sedir da quam graffe lodewig von schouffenburg vz frangrich der zcoch sich zcu mage der keyserynen frouwin Gissiln dy eyn eliche wertyn was keyser conradis des andern des namen dy fordirt oren mag darzcu das her eyn viczthum wart des bischoffis von mencze der bardo was genant obir doringen vnd heszin vnd der brachte mit ome zcwene erbar man dy nue heiszin von wangeheyn vnd von madelungen vnd der genantir viczthum der kouffte mid deme graffen von kefirnberg dorff vnd gerichte walt vnd erbe an deme ende syner herschafft da nue lid reynhardisborn waltershuszin bisz zcu deme aldenberge vnd buwete eyn nuwe slos pobir fredericherade genant schowinborg Dit was das erste slos das by lantgrauen von doringen vnd hessen yn dutzschin landin yr gewunen Auch so machte her dy kerchin zcu deme aldinberge witir Da wart graffen lode

F241-001v,11 wige den man nante mid dem barte vme das her eynen groszin bart trug eyn son ge

F241-001v,12 born den nante man ouch lodewig an sente iohanstage noch osirn als sente iohanse der ewangeliste yn deme sidendin olei sas der wart getoufft zcu deme aldeberge an sente iohannis tage des touffers also her enthoubit wart Vnd der erzbischoff von mencze bardo der wihete dy kerchin uff deme aldinberge dy sente bonifacius an gehabin vnd zcu erst gebuwet hatte vnd hueb syme viczethume lodewige mid deme barte synen son vz der touffe Vnd hilt dy kermesse vnd dy hueez wermunge mid den graffen zcu doringen vnd den andern synen manen uff deme nuwen slosze schowinborg Da gab der bischoff von vormanunge der thurmheren von mencze vnd syner graffen vnd man syme patin was yn deme grunde was von deme dorffe Walterhuszin bisz an dy gerichte vnd eigentschafft der von deme metilsteyn das ane gehorte das bischthum zcu mencze Also wart das alde Jsenache da das erste stetichin des lantgrauen von doringen vnd hessen Dit geschach noch cristi ge

F241-001v,13 bort tusint vnd xlii iar Deszir lo

F241-001v,14 dewig der eyn son was lodewigis mit deme barte der buwete reynhardisborn des son genant lodewig der derte der wert geforstin der buwete warperg das slos da ome sere dy von dme metilsteyn vnd von frangkensteyn yn sprochin vnd meynatin der berg gehorte yn ore herschafft dach so behilt her den berg vnd buwete daruff dy keyserlichin borg warperg Dit geschach nach cristi gebort tusint funffvndsechczig iar vnd ted das yn turin iaren mit korne des her vel hatte von syner muter wegin Darnach so buwete her eyn nuwe Jsenache yn dren iaren by warperg so her nehst mochte Vnd Da lag eyn kemenate an der stad da nue ist des probistis gemach zcu sente Niclau

F241-001v,15 weszes clostir da saszin erbar lute So warin dutzsche herrin da nue lid der thum vnd frouwin kerchin So lag eyn keme

F241-001v,16 nate der hellegreffen by deme nuwen spetal So lag eyn kemenate da nue lid das slos kleme Da hiez lantgraue lode

F241-001v,17 wig dy muren also wit begriffen vnd bad dy grauen vnd herin yn doringen das su ome ore gebuer darzcu liehen wolden das her yn muren vollin brechte Also wert su vz gegeben iclichir dorff

F241-001v,18 schafft eyn stücke zcu mueren Deszer lodewig der gewan eynen son das was der virde lodewig des vatir wart geforstin Der nam des herczogin tochtir von sachsinn vnd der wart keyser vnd forstente synen eydem uff das land zcu doringen vnd hessen vnd enczoch ez deme stifte zcu mencze wan ez vor eyn herczogethun gewest was Vnd eyn forstenthum Dit geschach nach christi gebort tusint hundirt xxxiiij iar Der hatte eyne tochter dy hiez alheid dy begab sich yn das clostir sente niclaus zcu ysenache vnd da wart su eyn ep

F241-001v,19 tischin yne vnd der vater lantgraue lodewig gab deme clostir vel friheid hantfestin zcinse gerichte vnd erbe by der wordin glockin vnd der thorm gebuwit vnd sue lebete lange zcijd daryne Dit geschach nach crist ge

F241-001v,20 bort tusint hunder eyvndfunffczig iar Jn deme selbin iare wart grosz hungir yn doringen Deszin lodewigen der firde den nante man den Jsirn lantgrauen den smette man yn der rula hart Logewig der funffte Noch deme quam lantgraue lo

F241-001v,21 dewig der funffte der buwete sente Jorgen kerchen uff deme marte davor was eyn kleyne kerche da der barfuszinn clostir lit das was dy pharre yn sente michahelis ere gewihit Darume so ist noch der ge

F241-002r,01 meyne kerchoff der pharre sente jorgen by den barfuszinn Dit was nach cristi gebort tusint hundirt zcweyvndachczig iar Jn der zcijd also man schreib noch cristi gebort tußintccv iar da grosz jungir zcu Jsenache was vnd

obir al doringen vnd hessen land vnd das werte zcwei iar das vel lute hungirs storbin Darnoch also man schreib noch cristi gebort m ccx iar da wart also eyn hartir vnd also eyn langir win

F241-002r,02 thir vnd mit froste also gar vnlide

F241-002r,03 lich das dy aldin lute gemeynlichin sprachin das su des glichin nicht gedechtin noch vornomen hetten Da irforin vel lute das su storbin etzliche das on ore gelede abe gingen vnd vngesun blebin bisz an or ende vnd das vihe starb vel von deme froste dy wynstoecke vnd dy fruchtbarn boyme irforin ouch das man sue muste abe howin vnd vele vogele vnd das wilt fundin dy lute yn den steten vnd dorffern irforin Also man schreib nach cristi gbort tusint zcweihundert vnd eynvndezcwenczig iar da quamen dy barfuszin zcu ysenache vnd namen yn sente michahelis kerchin dy alden phar

F241-002r,04 re da or closter iczunt lid vnd machtin da eyn armis clostirchin von holcze da sue yne woneten Also man schreib noch cristi gebort tusint hundert viervndnunczig iar da wart des vorgenantin lantgrauen lodewigis bruder lantgraze herman eyn here yn doringen vnd yn hessen Den machte da keyser friderich zcu eyne phalzgrauen zcu sachs in vme das her daes phalzgrauen tochter sophien dy eyn gebornen tochter nam zcu wibe Vnd by der gewan her zcwu tochtere dy eynen gab her kegen elszin Dy andern genant Jutte dy gab her des macgrauen sone von nuessin da her danoch yn der hotzcin lag Von deszeme ist das zcu deme erson komen das doringir lant an dy marcgrauen zcu muessin komen ist Darnach starb lantgrauen hrer mane syn frouwe sophia des phalzgrauen tochtir vnd her nan da eyne andir dy hiez auch sophia dy was des hrczogen von beyern tochtir Von der gewan her vier sone lodewi

F241-002r,05 gen hermanen heyndrichin vnd conradin Vnd zcwu tochtere ermengardin vnd angnetin Dy ermengart nam den gruen von anhalt vnd angnete dy wart gezcogen zcu warperg vnd zcu Jse

F241-002r,06 nache mit sente elsebethen Dy selbe angnete nam darnoch den herczogen von ostirrich So nam der eldiste or bruder lodewig sente elsebethen dez koningis tochter von vngern vnd sin bruder herman der starb eyn Jungeling Vnd wart begrabin zcu sente katherinen vor Jsenache Der derte brudir heinrich der wart romischir konig vnd lid ouch begra

F241-002r,07 bin yn deme vorgenanten clotir Der vier

F241-002r,08 de Conrad der gab sich yn den ducschin ordin vnd wart da obirmeyster des

F241-002r,09 selbin ordins Ez waren yn den gecziten Jn deme hofe lantgrauen hermans zcu do

F241-002r,10 ringen vnd zcu hessen sechs edele man das meystereyl vnd vornem von synen vnd von schonem getichte die schone liede machin kunden vnd gar behendlichin wedir eynandir sungin der namen waren her henrich schriber eyn stolzer wolgeborner man vnd eyn zitter Walther von der vogilweyde ritterslacht Reynhart von zwetschin Wolfferam von eschinbach als ritter

F241-002r,11 slacht vnd erbar geborn darzu zwe

F241-002r,12 ne borger von Jsenache Bitterolff vnd heinrich von aftirdingen eyn fromer vornunfziger man der vacht mid syme gesange wedir dy andern alle vnd lag on digke obin vnd darume so warin su ome gram vnd hasszetin on vnd meyn

F241-002r,13 tin her were nicht gud gnug darzu das her kegen su sunge Darume so phlichtin sue wedir oen vnd legetin an wy das su mit ome singen vnd tichtin wolden vme den halz vnd des stunt her on nicht abe darzu wer vorbotit der henger von Jsenache zcu warperg genant stemphil Da enzcu heinrich von aftirdingen das su felschlichin mid ome vme gingen vnd vorrethin on yn synen worthin vnd floch zcu der lantgrauynen frouwin sophien vndir oren mantil vnd bat sue das su on beschermete vnd recht vor on bethe vnd bod sines rechtin zcu blibin by meyster klynzor vnd beriff sich des yn den hoff des koninges von vngern Dit wart also von lantgrauen herman vnd der obe genantir frouwin sophien uff genomen das der genantir meyster yn eyne iare das orteyl darobir vsz solde sprechin Da irhub sich heinrich Von aftirdingin vnd reynt zcu deme herczogin von ostirrich den her sere lobete yn synen gesengen vnd bad syne briffe vnd vorde

F241-002r,14 rungen an meyster klinsor zcu vngern vnd dy briffe dy worden ome vnd zcerun

F241-002r,15 ge darzu vnd liez on rithin Ez was der genantir meister kleinsor Jn vngern zcu den sobin borgin by deme konige Her machte vel wunders wan her was wise vnd vornunfftig in allen naturlichin kunsten eyn zcouberer eyn meister der swarczen kunst vnd eyn groszir sternluger vnd ouch eyn meister yn den sobin frien kunsten vnd darume so wuste man von ome yn allen landen zcu sagen des was her nicht eyn armer Sundern man worte syn also eyns goszin bischoffis vnd her hatte von deme konige alle iar mer dane tusint marg geldis ane andir sine zcinsze Czu deme quam heinrich von aftirdinge vnd brachte syne befele briffe von deme herczogen von ostir

F241-002r,16 rich vnd her vorzalte ome syne sache Vnd bad on vme hulffe vn rad Der meister zcoch on uff bis das dit iar schyre quan zcu ende das her rechinte das her kueme vor der tageczijd mochte Jsenache irlangin das her das orteil vsz spreche noch dem also ome von beider partige beschrebin wordin were vnd gebe ome das beschre

F241-002r,17 bin her konde kume heyndrichin komen zcu rechtir zciyd Da antwerte ome meister klynzor das her keyne nod hette her wolde mit ome uff den tag zcu Jsenache syn vnd dit geschach Also dy zciyd quan das an deme andern tage der uszpruch geschen solde da wart heinrich von aftirdingen zcu male betrubit vnd forchte her muste lantruemit werden Da bewisete meister klinsor syne kunst das her mid heinriche von aftirdinge yn der nacht quam keyn Jsenach yn eynes richin borgers hoff der hiez hel

F241-002r,18 legrefe Jn den hoff der sente Jorgen thore vnd deme nuwin thorme da man dy lute yn gefangen



seczczit allir nehist gelgegin ist Nicht obir vel tage darnach sasz der selbe meister yn deme hofe adir garthen synes genantin wertis des abindes spete mit velen erbarn lutin vnd borgern vnd trat von on vnd sach das gesterne mit flisze an Da frageten on dy herrin dy da kegenwerdig waren vme synen willen wan her vel hobischis dingis wuste zcu sagen Ab her icht heymelichis vnd zcukunfftiges hette gesehin das her on das sagin wolde Da antworte her on wiszit das yn deszir nacht so werdit deme konige von vngern eyn tochtir geborn dy werdit eynes heyligen lebnins vnd sue werdit deszis landis forstin sone elichin vor

F241-002r,19 truwit Von der toginde der gancze land irhabin werdit vnd dit wart da von den heren dy das hatten gehort vor lantgrauen herman mit groszin froydin bracht vnd vorkundigit Wy der tufel mit wolfferan disputiert vnd in den steyn schreib Zcu der selbin zcijd geschach also swe be

F241-002r,20 stacktir tag achte tage irlengit was das der meister kleinsor von heinrichs von aftirdingen wegen mit wolfferame von eschinbach zcu warperg yn deme ritter

F241-002r,21 husze zcu redin quan von syme gesange vnd da her ome nicht da mochte an gewyne mit der warheid da meynte her das zcu thune mid listen Da beswur her eynen tu

F241-002r,22 fil der das thun mit listen solde vnd brachte den kegin ome yn eynes menschin gestalt also ab her syn schulere were vnd befel dem vor on zcu redin vnd der redte mit wolffe

F241-002v,01 rame yn keyn wertikeid des forsten vnd vel herrin Da hubin su an von begyne deszir werlde vnd hatten vel materien da vor

F241-002v,02 handin Bisz uff dy izijd der gnade vnd redten gar behendiglichin mit eynandir also lange das wolfferam an hub von dem ewigen worte gotis wy das fleisch worden were Vnd begreiff sunderlich daryn das amecht der heyligen mesze vnd legete das schone vsz bisz das her quan an dy stad Der worte des pristers dy cristus gesprochen had yn solchir nafft das dy ewige wiszheid des vatirs sich das brot vnd der wyn vn

F241-002v,03 sichtiglichin vorwandelt yn den lichenan cristi Also der eyns sich geophphirt had syme hymelischin vatere uff den altir des heyligen cruczis sichtiglichin vnd gemeynlichin vor dy ganczin werlt also opphirt her sich noch regelichin vnsich

F241-002v,04 ticlichin yn dem sacramente von sunder

F241-002v,05 lichin sunderlich vnd von allin gemeyn

F241-002v,06 lichin vor vnsir allir sunde der on vor vns vme syne groszin erbarn werdikeid irhorit dyt phant syner groszin vn

F241-002v,07 sprechlichin liebe opphirt dy muter der heyligen cristenheid Da kunde noch en torste der tufel nicht zcu antworten wan syn vorstockete boszheid gestatte ome der rede nicht Also wart der meister mit syme schulere da obir wunden vnd ging da von wolfferame wdir yn dy stad Da meynte meyster klinsor wolfferam der were gelart vnd berge das vor ome vnd wolde des eyne sichirheid irfarm Vnd lud mit syner kunst den tufel vnd sante den des nachtis zcu wolfferame yn das husz gotschalkes synes wertis an deme marte vnd der strasze kegin den hakin obir da lag Wolfferan yn eyne stenyen gemacht das an deme erne zcu der rechtin hand by der dornzin lag genant dy dinser kemenate wan su nicht fenstirs hatte da redte der tufel mif wolfferam von der natuere des hyn

F241-002v,08 mels vnd von synen sperin vnd ringin vnd von den lanetin vnd sterrin dy erre louffin vnd von sterrin dy bestendig syn vnd von ore bewegunge vnd fragete on des behendiglichin vnd wolfferam kunde nicht daruff geantworten da lachte der tufel mit eyne groszin geschrei obir des leyen vornunfft vnd schreib mit syme fingir yn dy steynenwant Du bist eyn leye snyppensnab Darnoch also der Wert das gehorte von wolfferame vnd dy schriff gesac da liz her den steyn usz brechin vnd on fuerin yn dy horsil yn das waszir Also dit geschach da vndir nam meister klinsor dy zcweytracht der senger zcu ome vnd richte su gutlich Vnd her wart von lantgrauen hermane richlichin vnd schone mid kleynotin be

F241-002v,09 gabit vnd fuer wedir keyn vngern yn der wise also her komen was kegin ysenache JN den selbin gezcijten hatte sich ysenache sere gebeszirt mit den borgern vnd den huszern Dy Joeden liez man buwin nahe an deme marte vnd an dy strasze vme des gebuwis willin den sue tadin mit orme gereydy gelde Also heiszt noch dy beste gasze da der Joeden gasze Dy mustin da vordir zcehin yn dy gaszin da or schule noch stehit So zcogen dy hantwerkis lute von deme marte yn dy gaszin dy on gelegin vnd bequemelich waren Jn dy bothener gaszin dy eynandir dy bothenere vnd dy weynere vnd darby yn dy vndir

F241-002v,10 gaszin dy wullenwebere Da w{5}t ouch an geha

F241-002v,11 bin sente Iacobis capelle vme der hant

F241-002v,12 werkis lute willin dy winthirci zcu ferre yn dy pharre hatten Ez wordin ouch mertte usz gegeben noch den phar

F241-002v,13 ren zcu besserunge der stad Also das man alle wochin dry merthe hilt Also an deme montage zcu sente Iorgen An der mittelwochin by vnsir fouwin kirchin Vnd an deme sunabinde by sente niclaus kirchin Also nue etzwas hirnach krig wart also ir wol horin mogit da vor

F241-002v,14 gingen vel dorff da wart der montagis mart also kleyne das wenig fromeder lute darczu quamen Darume so nam man den mittewochin mart den phaffen vnd legete den zcu sente Iorgen Vnd des zcu eyner kuntschafft so liez man on den mart an der krumen mittewochin den sue noch ierlichin haben Ez woren ouch dry iarmerte usz gegeben dy wordin yn den dren pharrin gehaldin Den erstin uff sente Iorgentag den had nue vor

- F241-002v,15 demphir der prediger ablas das vierczen
- F241-002v,16 tage noch ostiren ist Der andir iarmart uff sente Johanstag by vnsir frouwinkirchin der da gancz vorgangin ist Vnd der dritte uff sente matheustag by sente niclaus kirchin den man nue heldit by sente Jorgen kirchin Vnd vor zcu hoenborg by salcza etzwan uff dy selbin zcijd was vnd wart her gelegit vnd darume nenit man on noch der hoenborg Desze iarmerte dy hilt man ouch lange zcijt mid deme erstin vor den thorin uff das dy vorstete gebuwit wordin Ez wordin ouch vel huszir ge
- F241-002v,17 buwit vndin yn der stad vme sente Jacobis kirchin da dy aldin borger agkir hatten ir dy stad an gehabin wart dy vorlisiin da hoffestete den luthin mit deme erbeczinse Vnd dy von deme merilsteyn den das lant galit darun nach der huszir vel erbeczinsze gebin vnd abeley Ouch so waren eyne teil richer borgeer vme den mart geseszin der digke eyner vier huszin ader sechste nuewe buwete vn vorkouffte dy armen luthin uff erbeczinsze dy sue nicht gancz vorgeldin mochtin Also habin dy aldin borger noch erbeczinsze an den husziern vnd ander luthen dy sue oen sedir abe gekoufft habin Vnd dy stad uff das radhusz vnd eczliche clostir Vnd phaffin vnd spetal Dy bothschafft nach sente elizabethen czu freyen LAntgraue herman der durchluchte forste Der sante syne erszamen botschafft vsz kegin vngern yn das land zcu deme goszin ediln konige von vngern Andrean Veme syne tochter elsebethin synen erstenerbornen sone lodewige zcu vortruene von der her vonomen hette von meister klinsor da der zcu ysenache was Dy zcogen vsz ysenache da man schreib tusint zcwey
- F241-002v,18 hundert vnd eylff iar Dy bothin warin Graue Reynhart von moelborg Der edeler here walther von varila der schenke mit orme gesynde vnd erbarn menern ffrouwe Bertha eyne wethewe eczwan hern egin
- F241-002v,19 bolffis von bendeleybin des ritters mit orin jungfrouwin dy zcogin kostlichin vnd herlichin kegin presborg yn vngern vnd erwarbin da sente elsebethin dy was yn orme vierdin iare vnd brachten su mit groszin eren yn dy stad zcu ysenache mit eyner silbern hotzin vnd mit eyner silbern badebecher vnd vele schones kleynotis vnd geldis Darnach also man schreib noch cristi gebort tusint zcweyhundert vnd fierczen iar da fing lantgraue herman den grauen von orlamunde vnd brachte on kegin ysenache vnd her muste vel geldis gebin zcu schaczunge Wan her hatte ome misseboten mit worten vor den herin vnd wolde on nicht vor synen herrin haldin noch der lehne von ome bekenen vnd gab sich usz das her edeler geborn were danne lantgraue herman des her nicht was Vnd warfft ome vor das syn oreldirvater lodewig mit deme barte were eyne vitzthum des bischoffis zcu mentze gewest vnd vel ermer dan her Also man schreib noch cristi gebort tu
- F241-002v,20 sint zcweyhundert vnd funfftzen iar da wart dy kerche des clostirs zcu sente katherinen vollin bracht vor yse
- F241-002v,21 nache gelegen vnd gewiher yn key
- F241-002v,22 wertikeid sente elsebethen dy eyne Jungfrouwe was von achte iaren uff dy zcijd In ere der jungfrouwin marien dy cristun gebar vnd sente katherinen Vnd dit quan zcu deme ersten also An der stad was das gerichte zcuschin den zcwen lantstraszin in heszin lant vnd yn dy buochen Vnde zcuschin der stad ysenache vnd der femestad was keyne gebuue dane der vszsetzigen spetal der noch der alde spetal heiszt nahe by sente katherinen gelegen Nue hatte lantgraue herman sente katherinen sunderlichin lieb vnd hatte oris lichames eyne kleynes beyn yn der maszen also eyne gerstenkorn das noch da ist das olei switzte Nue lag her eyne yn syme bette vnd moch
- F241-002v,23 te nicht wol geslaffin vnd bekumerte sich mit der jungfrouwin sente katherinen wy her das beynichin mochte bestaten das gote vnd der heyligen jungfrouwin ere vnd lob darvon gesche yn eyne altar adir vicarien da or gedechtenisze gesche vnd entsliff Da troymete ome wy dy Jungfrouwe Sente Katherine zcu ome queme vnd spreche kom vnd folge mir vnd furte on an dy femestad da das gerichte stunt vnd der rabinsteyn vnd ouch redir vnd der totin gebeyne vel Vnd sprach hy sal tu probist werde vnd dy lichenan der sal hy ruwin dorch mynen willen Da her entwachte da erschrag her des troymis zcu male sere vnd wuste nicht wy her on vorstehin sulde vnd troste sich dach daruff das her eyne here des landis was das her nicht eyne boszin tod enphinge vnd das her vme orin willing da blibin solde Darnach yn deme selbin iare so starb der herczoge von brabant der hatte lantg{5}uen hermans nyftiln dy was genant ymagina Dy herczogyne dy wuam zcu orme mage lantgauen hermane vnd brachte vel gereitis geldis das or der son vor or lipgedinge gegeben hatte Wan sue vor
- F241-003r,01 sich satte su wolde eyne werewe blibin vnd gote dynen bisz an or dy quam kegin warperg vnd legete das lant
- F241-003r,02 grauen hermane vor wy das sue gerne yn eyne clostir wolde komen adir eyne clostir muwe buwin da sue gote yne mochte ge
- F241-003r,03 dynen bisz an or ende vnd bad synen rad dar
- F241-003r,04 zcu Da gefil ome zcuhan syn troym yn vnd antwerte das wolde her gerne thun vnd or ra vnd gude hulffe darczu thun Vnd sante noch den dy sich des vorstundin vnd hiez sue dy femestad beschowin vnd wol usz achtin ab su zcu eyne clostir tuechte vnd bequemelich gnug were dy besahin sue Vnd sagetin das dy stad waszir vnd borne holcz vnd weyde dorch das clostir vnd dar
- F241-003r,05 vme gnug gewune Also hiez her su dy hoffestad reyne rüme vnd furte da syne nyftiln vor genant dazcu beschouwene Vnd lisiin das genante clostir an dy stad bu
- F241-003r,06 wen vnd dy femestad wart gelegit vor sente niclaus thor uff den galligperg vnd der vszseczczigen

spetal uff den steynweg da su noch stehin Vnd s sint lange zcijd luthe gebrant yn deme wolffis yngange vnd by dem aldin spetal zcu der aldin kuntschaft Jn deme clostere Sente Katherinen da wart dy selbe herczogyne dy erste eptischin yne Vnd Lantgraue herman des clostirs formunde vnd probist also ome genoymit hatte Vnd sue koesz zcu eyner hauptfrouwin da man dy kerchin wehete dy gotis gebererynne dy heyiligen jungfrouwin marian yn der ere der altir yn deme kore gewihit wer Vnd her kosz sente katherinen yn der ere der altir mitten yn der kerchin gewihit wart Darnach also dit geschen was Jn deme selbin iare da starb lantgraue her

F241-003r,07 man von doringen vnd von hessen eyn phalczgraue von sachsın zcu gotha uff dem slosze Vnd da der apt von reynhardisborn quam vnd wolde synen licham holin vnd begrabin jn deme genantin clostir da syne eldirn dy forstin lagin Da sprach en frouwe sophia dy lantgrauyne vnd liez on fueren also her vor digke mit or darvon gered hatte kegin ysenache yn sente Ka

F241-003r,08 therinen closter das her nuwe gebuwit hatte Da wart her der erste der noch der wihe da yn den koer gelegit wer d uff der wedemen begrabin da wart syn troyin ganz voll inbracht Jn deme andern iare darnach da starb syn son ouch herman genant eyn jungeling von funffczen iaren vnd wart da selbis by synen vater begrabin Vnd uff dy selbin zcijd starb ouch sente elsebe

F241-003r,09 then muter yn vngern vme eczlich vngern bosze schentlich ge

F241-003r,10 tichte das sue ertrachtin uff sue vnd sprochtin Su hette ore ee gebrochin vff das wan su gestorbe das eynes vngirn tochter an ore stad konigyne worde vnd also wer sue da heymelichin enthoeubit lodewig der sechste Do wart lantgrauen hermans son lodewig eyn herre zcu doringen vnd zcu hessen wan her der eldister vnder synen bruder was dy das lant nicht teylin solden vme das ez eyn forstinthun blebe Deszier was eyn wundirschone man der wol lieb zcu habin was eynes togintsamen heyiligen lebins eyn hobischir jungeling Da her rechtis aldir begreiff da irkante man an ome syne gutlichin togunt her was nicht zcu lang noch zcu kort Sundern yn eyner rechtin masze eyn uff gericht man mit eyme schonen groszin antlicze frolich an gesichte mit gutir varwe Vnd ez was nymant der synes angesichtis irschreke 5 her was geczochtig vnd schemel Warhafftig mit synen Worten getruwe vnd eynes ge

F241-003r,11 sundin reynes lichames Also man schreib noch cristi gebort tusint zcweyhundert achzen iar da liez her sich zcu ritter seynen eynen bischoff zcu jsenache yn sente jorgen phar

F241-003r,12 kerchin mit vel andern ediln jungelingen dy her alle begabere mid ritters gorteln pherdin bunten rogken vnd ritters geczuege das on zcu geborit Dit geschach an deme achtin tage sente peters vnd pauwils der heyiligen aposteln uffin berlichin Von got

F241-003r,13 lichir yngebunge so hatte lantgraue lode

F241-003r,14 wig dy jungfrouwin sente elsebethen dy ome gesant vnd vortruwit was zcu male lieb Also das her des numer geliez wan her obir felt rethe her geseynete sue vnd neme sue gutlichin an synen arm Vnd wan her wedir quan so brachte her or allewege kley

F241-003r,15 note Vnd nam sue abir an synen arm vme der luthe teydinge vnd besundern syner swester dy or drowete her solde su weder heym sende veme das su sich demutlichin sterlichin zcoech Ez geschach yn deme iare da man zcalte noch cristi geort tusint zcweihundert nuenczen iar Da geschach ez das her obir felt reit vnd by ome was her walther von farila der ritter eyn edeler man der sente elsebethin zcu vngern ouch geholt hatte Vnd der sp{5}ch weder lantgrauen lodewigen here behaget ez uch so wolde ich gerne etzwas heyme

F241-003r,16 liches mid uch redin Da antwerte her ome Rede was du wilt vnbesorgit Liebir here so uffinbart mir des bethe ich uch was ir thun wollit mid des koninges tochter dy werdit sere gebloygit ab ir dy behaldin wollit adir orme vater wedir heym senden Da wysete ome der lantgraue eynen groszin berg der vor on da lag vnd sprach der berg den du sehist were der von grunde bisz obin usZ fyn golt den wolde ich er vorgebin dan das ich else

F241-003r,17 bethen wedir heym sente vnd vorgebe Da sprach der ritter mag ich or das sagin Da antwerte ome der lantgraue gut

F241-003r,18 lichin vnd sprach sage or das sichirlichin Vnd geb or das zcu eyme warzeichen vnd greiff yn synen buttil vnd nan darusz eynen elffinbeynen zcweuldigen spigel den man zcu sloz Da stunt an eyme ende ynewendig dy martir vnsers heren ihun cristi yn das elffinbeyn gesnetin Vnd an deme andern ende eyn schlecht glas Da der ritter der jungfrouwen den spigil brachte vnd or dy wort synes herrin sagete Da lachte su oen gutlichin an vnd warr froe Vnd betrubete sich da nume von des gesyndis redin Also man schreib noch der gebort cristi tusint zcweihundert vnd eynvndzcwen

F241-003r,19 czig iar Da wart lantgrauen lodewige sente elsebethe uff deme slosze warperg yn elichin dingen by gelegit vnd zcu kirchin gesint zcu ysenache yn der pharkirchin sente Iorgen Da dy grauen vnd dy frien vsz hessin vnd doringen alle keginwerdig warin Was da herschafft stethins vnd tanczins vnd hofirms yn der stad vnd vor der stad bisz an den hayn von herin vnd frouwin daz werde dry gancze tage das stehit mid kortin rodin nicht usz zcu sagen In deme selbin iare da starb martgraue dittherich von missin frouwin juth man dy eyn swester was lantgrauen lodewigis Vnd der liez eyn son dry iar alt vnd darume so reit her zcu syner swestir zcu stunt also ome dy botschafft quan vnd troste sue vnd nam dy formundeschafft der swester vnd des Kindes yn vnd dy hulde von den manen stetın vnd sloszin zcu getruwir hant Also man schreib noch cristi gebort tusint zcweyhundert vnd zcweyvndzcwenzig iar Da sp{5}ch Graue poppe von henenberg her wolde ritin yn sachsın vnd quam zcu lipczik zcu frou

F241-003r,20 win Iuttin der wetewen vnd globete ome or eyne ee vnd sue ome wedir Da dit lantgraue lodewig irfuer Da vordrosz on gar sere vnd reyt kegin lipcz dy ome das geschrebin vnd geclagit hatten vnd sprachin here wir furchtin wan graue poppe kome das her vnse stad von deme slosze yn neme des wir nicht irweren mogen ez were dan das ir den torm uff der borg liszit nedir brechin vnd das geschach Vnd darume so liez syn swester ore voyte vnd dy sue vormochte on rouebin vnd yn doringen bornen vnd ome schadin thun Da her das gesach da machte her eyn heer wedir uff dy dy on geroubit vnd gebrant hatten Da warin zcu vordirst dy von jsenach dy tadin on groszin schadin Vnd brachtin erin tuepphin keszil kanen vnd phlaschin vnd derglichin Da woldin dy borger nicht das sue das an dy beite buthe brechtin Sundern su liszin darusz giszin eyne glockin Vnd da dy gegoszin wart da gewan sue also gar eynen boszin gremelichin lud das man eyne stormglockin darusz machte Dit geschach noch cristi gebort tusint zcweyhundert vnd zcweyvndzcwenzig iar an vnsz frouwin abinde al sue obir das geberge ging also man das nue begehite Also man zcalte noch cristi gebort tusint zcweyhundert dryvndzcwen

F241-003r,21 tzig iar Da hatte sente elsebethe orin ersten son zcu cruceborg uff deme slosze vnd lantgraue lodewig liez dy steynen

F241-003r,22 brucken da obir dy werra machin Der son wart genant herman In deme selbin iare zcoch lantgraue lodewig mit syner frouwin sente elsebethen yn vngern zcu orme vater Der liez su wedir rich

F241-003v,01 lichin mid gelde vnd mit kleynoten kleydern vnd schonen pherden dy su kegin ysenach brachten In deme selbin iare vorgab lantgraue lodewig syne swestir Angnetin deme herczogin von osterreich Vnd zcu ysenache wart eyn hoff gehaldin von den lantherin zcu doringen vnd hessin In deme andern iare darnach da man schreib tusint zcweihundert vnd viervndzcwenzig iar da gebar sente elsebethe eyne tochtir zcu warperg dy wart zcu ysenache ge

F241-003v,02 toufft vnd sophien genant Dy wert sedir ge

F241-003v,03 gebin deme herczogin von brabant In deme selbin iare wart eyn heisz trockin erne Vnd ez quan eyn groszir wint wol dry tage vnd slug das korn usz also gar das ez zcwey iar zcu male thure wart In deme selbin iare was lantg{5}ue lodewig ge

F241-003v,04 rethin zcu der nuewinborg Dywile so spisete sente elsebethe dy siechin vnd hatte eynen gebat der was vnreyne vnd den gelegit yn oris herin vnd or bette den nante man elias Indes quan lantg{5}ue lodewig gerehtin den nam syn muter frouwe sophia er dane her sich usz geted by der hant vnd furte on obir syn bette vnd sprach sich liebe son also vorvnreyne elsebethe mit siechin luethin dyn bette Da warff her dy decke uff Da vant her das bilde cristi yne also her an deme heligen cruce gemartirt stunt Da irschrag her vnd begunde sere wey

F241-003v,05 nen Da sprach her liebe swestir zcu sente elsebethen Ich bethe dich das du dich ubist vnd laszit des nicht vme nymandis rede Noch cristi gebort tusint zcweihundert funffvndzcwenzig iar Da gebar sente elsebethe abir eyne tochtir zcu warperg dy liez sue touffen vnd ouch nenen sophia vnd ted das or swegir zcu liebe dy quan zcu kitzcingen yn das clostir da lit sue begrabin In deme selbin iare da wordin dy von ysenache dy koeuffluthe dy zcu breszla zcu deme marte gestandin hattin von deme herczogin von polin geschint vnd wolde des vme lantg{5}uen lodewigis willing nicht laszin Vnd meynte her were ome zcu ferre geseszin Darume samente her eyne herfart yn doringen hessin ostir

F241-003v,06 landen vnd missen vnd zcoech uff on vnd gewan ome den lueban hueesz vnd stad an Vnd den von ysenache wart or vorlust wol vorgulden vnd brachte yn polin dry

F241-003v,07 tusint vnd vierhundert man gudir ritter vnd knechte Darnach so zcoch her ober den grauen albrechtin von orlamunde Den syn vatir lantgraue herman ge

F241-003v,08 fangen hatte den fing her ouch vnd brachte on kegin ysenach da was her also lange gefangen bisz her deme lantgrauen synen willin gemachte Vnd syne herschafft zcu lehene von ome enphing also her zcu rechte solde Von deme kremere mid deme esel lantgrauen lodewigis gesellen JN deme selbin iare geschach ez vme sente jorgentag das iarmart zcu ysenache was vnd lantg{5}ue lodewig spatzen ging vnd besach sich ab her icht feilis funde das ome behegelych were Da sach her vndir den andern richin kremern eynen amren kremer stehin Der hatte zcuriszin kleidir an das ome der buoch beyne vnd fusze blec

F241-003v,09 ketin vnd hatte yn syme krame truenen blienspangin naldin fingerhuete lorber vnd naldinkit Czu deme trat her vnd sprach liebir man kanns tue dich ouch mit deme krame irnerin Da antworte her gnediger here wan ich brod dar

F241-003v,10 vone hette so gnugete mir wol Ich kan nicht geerbeyte So scheme ich mich noch brote zcu gehene Da fragete on der herre Wy thure her ome den kram gebin wolde Da sprach her lieber herre ich neme uwirn schinph gerne vor

F241-003v,11 gud Das irbarmete den forsten vnd sprach Ich spotte dyn nicht ich wel mit dyr kouffin Da sp{5}ch der arme kre

F241-003v,12 mer herre ich achte on an funff schillinge vnd nicht beszir Da sprach der here zcu syme kemerer bezale ome funff schillinge pheninge davor das geschach Da sp{5}ch der here nue nem dynen kram wedir uff dass du dich deste basz mogist irnerin Da danckete ome der kremer vnd vil vor on uff dy erdin vnd sp{5}ch her wolde riche werdin Da wart von deme hoffegesinde obir on eyn grosz lachin Da sprach der here meyns tue das due darmede kunist riche werdin So las mich dyn geselle werde wan ich werde ouch gerne riche Da antworte der arme kremer herre also verre ich frede mochte gehabin yn den landen zcu wandirn So soldit ir ez gesehin das obir eyn iar myn kram drystunt also gut



syn solde muste ich nicht uff den winther kleyder kouffin Da sprach der forste nue globe mir getruwe geselleschafft zcu leistin ich wel dyr den frede schigken vnd dich mit kleidern bedencken da globtete ome der kremer ge

F241-003v,13 truwe geselleschafft Vnd da hiez ome der forste eyne graw tuech zcu kleydern kouffin vnd ome synen uffinbriff gebin das her syn hoffegesinde vnd syn knecht were vnd liez on czihen Obir eyne iar da ging der forste abir zcu deme marte vnd fant synen gesel

F241-003v,14 lin mit eyne schonen kostlichin krame mit gudin worczin vnd gudin kleynotin Vnd hiez den heren lantgrauen nemen was ome behegelych were Also nam der here eyne wenig der ediln worcze vnd trug sue mit ome vnd syn geselle muste zcu hoffe gehin eszin Da sprach her gnediger here vnd ge

F241-003v,15 selle her vormochte des krames nue nicht zcu tragin her were ome zcu grosz her wolde eyne esel kouffin vnd wolde gegen venedi

F241-003v,16 ge czihen Vnd das ther her Vnd richte da gar eyne kostlichin kram usz von perlin corallin potirnoister mid ediline gesteyne guldin finger

F241-003v,17 lin siden huebin buttill mid golde gestickig eylf

F241-003v,18 finbeynen messzir spigilchin vnd kemichin Vnd was von kleynotin forsten vnd rittern ediln frouwin vnd jungfrouwin zcu gehorte Vnd lud synen esil mit beyden koetzin al vol Vnd vorkouffte vnd kouffte bisz yn dutzsche land was ome ebin yn synen kram was Bisz das her uff eyne heyligen tag zcu wer

F241-003v,19 czeborg quam Da hatte der bischoff da selbis syne man zcu ome vorbot vme synes landis nod Da dachte der kremer hy sint vel fromder herin du wilt dynen kram usZ legin Also wart syn kram da beschou

F241-003v,20 wit vnd da her von wertzeborg czoeh Da hilden sue uff on vnd namen ome den esil mid deme krame das her kume entliff Sue hettin on andirs tod geslagin Also quam her vor lantgrauen lodewigin vnd clagete ome das Der liez eyne herffart usz richte vnd tzoch mit deme kremer obir walt yn des bischoffis von werzeborg land vnd brante vnd herete kegin werzeborg zcu Das erfur der bischoff vnd fuer ome enkegin Vnd fra

F241-003v,21 gete wes ome gebriche das her on also sere beschedigete Da sp{5}ch her mynen esil den han ich vorlorn den suche ich Der bischoff sp{5}ch ist ez vme eyne esil zcu thune jch wel uch vier adir sechs esil vor uwirn gebin her antwerte jch wel keynen esil mehr dane mynen Ir haldit vndir uwirn manen straszrouber yn uwirme lande dy mynen knecht eyne kremer geschint han usz uwir stad vnd von uwerme brote vnd habin des mynen briff gesehin vnd gelesin vnd kartin sich daran nicht Sundern sue woldin ome den lip zcu deme gute genomen habe vnd her entliff oen kueme Den kram wel ich wedir habe mit deme esil der on trueg Vnd wel usz deszin lande nicht ich habe ez dane wedir Also muste der bischoff da usz richten das der kram wedir zusameine quam der da wit getey

F241-003v,22 lit was vnd wedir uff den esil quam Da karte der lantgraue wedir vme kegin ysenache Also man czalte noch cristi gebort tusint zcweyhundert vnd sechs vnd zwenzig iar Da was lant

F241-003v,23 graue lodewig das iar usze by deme keyser Jndes wart grosz hungir yn doringen vnd hessen vnd ouch yn andern landen darume gelegin Da ubete sich sente elsebethe zcu male sere an den armen luten zcu ysenach vnd vorgab grosz Vnd besundern so liez sue vndir warperg da itzunt or clostirchin lit eyne spetal buwin da sue achte vnd

F241-004r,01 zcwenzig armer sichin yne hatte den man tegelichin yn norme angesichte wartin mueste mit spise vnd mit trancke vnd liez darczu den armen dy dar quomen tege

F241-004r,02 lichin vel brotis vorgebin Das ez ampt

F241-004r,03 lute sere vordrosz vnd forchtin wan her zcu lande queme oris herrin zcorn Vnd also her wedir zculande quan da gingen sue gemeynlichin vor on vnd entschuldigetin sich vme dy vnbera

F241-004r,04 tenheid dy sue vorfolgit hatten frouwin Elsebethin das her su darume icht yn vor

F241-004r,05 dechtenisze hette eyner vntruwe Da der clage vel wart da antwerte her on daruff habit frede vnd laszit sue wol thun vnd dorch got vorgebin was sue wel Bisz uff warperg jsenache vnd nuewinborg dy dry mit oren zcu gehorungen dy behaldit mir Ez geschach zcu eyner zciyd das eyne groszir tancz was zcu jsenache uff der rollin vnd vel junger meyde vnd frouwin zcu eyner hochczit darane gingen Da stunt her yn eyne fenster vnd sach zcu Da quam eyner syner dyner vnd trat by on vnd sprach herre sehit ir dy schonen suberlichin iungin frouwin vnd wisete sue ome dy wel ich uch an uwer arm schigken wan uwir gnade des begert Da antwerte her ome zcornlichin vnd sprach geswig der rede kegin mir vnd lasz mich des numer mer von dor gehu

F241-004r,06 rin also verre du myne gnade vnd frunt

F241-004r,07 schafft wilt behaldin wan were das ich das ane sunde vnd schande gethun mochte noch so wolde ich ez laszin zcu liebe myner liebzin elsebethen Nue merkit dy togint des fromen forsten Ez geschach das sich eyne lauwe der vormacht was yn eyne huesz zcu warperg sich usz brach wan der knecht der syn wartte on nicht wol besloszin hatte vnd ging dy nacht yn der borg vnd quan ouch uff das mueeZ

F241-004r,08 husZ Nue geschach ez das von vngeschicht lantgraue lodweig des nachtis nahe vor deme tage uff stunt vnd warff eyne lang wit hemed an vnd stis zcwene potschuo ouch an vnd ging usz syn slaff

F241-004r,09 kamern D begehnete ome der lauwe Da hueb der here dy fust uff vnd riff on an Da legete sich der lauwe vor on ne

F241-004r,10 dir Da riff der here synen dynern vnd der knecht der syn warte quam vnd mit groszir not brachte man on wedir yn syn huesz Darnach wolde syn der here nune habin Vnd vorschengkete den lauwin mid deme knechte EZ

wart eyn gemeyne herffart von den cristin forstin mid deme Keyser frideriche jn der man czalte gudir ritter vnd knechte mer dane sechczig tusint ane andir allerley gemeyne folg zcu pherde vnd zcu fusze Da czoch ouch usz lantgraue lodweig da man schreib noch crsiti gebort tusint zcweyhundert vnd sobinvndczwenzig iar uff sente johans tag des touffers usz ysenache vnd mit ome czogin Der graue von war usz westefaln Graue borgkart von bran

F241-004r,11      dinberg Graue meynhart von molborg Graue heinrich von stolberg Dy vier grauen Von den ediln herin czogin mit ome her herman von helderungen her rudolff der schencke von varila her heinrich marschalk von ebirsberg her herman der truchtsesze von slatheyen her friderich von dreforte her heinrich kemerer von vaner Desze sechse warin herin Darnoch lutulff berlstete Rudolff von bulczingsleybin Gerhart von elnde Dittherich von sebach Si

F241-004r,12      frid rothe lodewig vnd rudolff gebruder von huszin Heinrich von meideborg Reynhart varch Berld von myla Berld von heylingen Gerhart von cappil Desze warin ritter vnd ritterslacht Deszir warin zcweylffe funff ritter vnd sobin knechte Ouch retin mit ome funff prister vnd deszir herin gesinde dy warin alle yn synen hoff geschrebin Ouch so gelettin on syn muter syn brudere vnd dy liebe sente elsebethe bisz kegin smalkaldin Also starb her usze yn der stad genant Ortrant jn deme selbin iare an deme dritten tage noch vnser lieben frouwin tage leczczern also sue geborn wart tertio idus septembris prothi et iacinti jn deme iar darnach brachte man syn gebeyne kegin reynhardisborn da ist syn grab JNdes also lantgraue lodewig gestor

F241-004r,13      bin was vnd dy botschafft quam syner muter vnd synen brudirn Da meynte lantgraue heinrich wan her noch ome der eldistir was Das lant were nue an on gefallin Vnd von syme boszin rathe das her das lant yn gewune so hiez her sente elsebethin yn orme betrupenisze mit orin kindern zcu stunt warperg ome rümen Also ging sue kegin yse

F241-004r,14      nach vnd keyn borger torste sue her

F241-004r,15      bergin vme lantgrauen heinrichis willin Der forchte das sich ymant orer kinder an neme zcu formundeschafft Also bleip sue siczczin yn eyner tabernen bisz das dy barfuszin mettin sungin Da quam sue yn dy kirchin vnd bat dy brudir noch mettin das sue or sungen den lobesang Te deun laudamus Also bleip sue wol dry tage yn der stad ene

F241-004r,16      lendichlichin mit armen luthin yn orin hueszin Vnd ez geschach das sue von den barfuszin solde gehin da sue messze gehort hatte Vnd wolde yn dy vndirgaszin by sente jacob da or herbirge was Vnd solde obir schretsteyene gehin der was vel vor deme schererborne hen zcu deme geszichin das zcu sente jacob zcu gehit Vnd eyne bethlern dy begeynete or zcu halbin wege da der quad aller tiffist was Der sue dig

F241-004r,17      ke mid orin almosin gutlichin gethan hatte vnd wolde or nicht entwichin Vnd stisz sue yn den vnreynen phuel Da was su geduldig zcu vnd dangkete gote Darnach richte sue eynen fuerman usz der su furte zcu or mume vnd nyftiln kegin kitzcingen yn das clostir zcu der eptischin da ouch sedir or tochtir yn quan vnd eyn eptischin wart Dit ermuete vnd betrupnisze das vornam or mogk der bischoff von babinberg Vnd brachte sue da dane kegin babinberg vnd thed sue mit orin kindern vnd meyding vnd orme gesinde das or zcu fusze nach folgete uff eyn slosz da or syn amptman von deme das darzcu gehorte herlichin vnd wole phlag Also nue dy herrin dy mit lant

F241-004r,18      grauen lodewige en weg czogin vnd syn gebeyne mit on brachten das yn eyner ladin lag wedir quamen vnd vornon

F241-004r,19      men wy man mit sente elsebethin hatte vmegegangan Da wordin sue gar sere be

F241-004r,20      rubit vnd furtin sue da mid deme gebey

F241-004r,21      ne kegin reynhar DO quamen also man oen botschafft gered von reynhardisborn zcu der begrafft lantgraue heinrich lantg[5]ue Cord sin brudir vnd frouwe sophie or muter vnd dy erbarn lute alume ge

F241-004r,22      seszin uff das sue ore frune enphingen dy wedir komen warin beyde frouwin vnd man Vel borger vnd borerschin von ysenache vme sente elsebethin willin Also das eyn grosz werlt da was vnd eyn schone begengnisze des ediln thurin forsten Vnd also dit begeng

F241-004r,23      nisz geschen was Da quamen der bischoff von babinberg mit synen man

F241-004v,01      nen usz franckin vnd dy herin dy mit lantgrauen lodewige usze gewest warin Vnd hatten eyn gespreche vme sente elsebethen Vnd bathin darnoch gemeynlichin Hern rudolffin von farila den schencken der was eyn wol gespricher wisir man das her or wort vor su kegin lantg[5]uen heinr[3] vnd conr[3] vnd or beyder muter sprechin wolde Vnd gingin da gemeynlichin mid ome an dy stad da sue dy genantin forstin vnd dy andern grauen frien vnd mane mit on byeynander fundin vnd bathin yn der keginwertikeid hern rudolffin von varila or wort zcu sprechin Vnd hub also an jr ediln durch

F241-004v,02      luchtin forstin vnd lieben gnedigen frouwe Ir wiszit das wol das uwir vater lantg[5]ue herman seligis gedechtenisze mynen vater hern walthern kegin vngern yn das lant sante vnd her der selbin bothin eyner was der dy frouwin elsebethin des koniges tochtir syme sone friete vnd holete vnd mit groszin eren brachte da ich ouch mede was vnd nue mit dem ediln forstin deme ge

F241-004v,03      truwin ben usze gewest mit deszin herin dy hy keginwerdig stehin vnd haben gesehin vnd gehort wy her von uch zcu smalkaldin gescheidin ist vnd uch syn wip dy edeln elsebethen vnd kindir befal Nu ha dir uch lestirlichin vnd vngetruwelichin an ome syner frouwin der wetewen vnd synen kindern vorgeszin Das wir alle dy was von uch vornemen schemen zcu horin Welch fromer man solde uch nue yn syme herczin holt syn ader getruwe werde Der so geta

- F241-004v,04 ne vntruwe irferit dy ir an uwirme brudir an syner wetewen vnd kinden also vntogintlichin begangin had Das foemedel luthen irbarmit was her nicht uwir rechte brudir wo had her uch vn
- F241-004v,05 truwe bewisit was su uch nicht edil gnug frome gnug togintsam gnug das ir sue also schemelichin also vnforstlichin vn
- F241-004v,06 barmherczlichin vorworffin also eyne obiltetigern mit orin vnd uwirs bruder kinden von uch getrebin had Ez en sy dane das ur das gote vnd or gebuszt vnd or lipgedinge folgin laszt vnd or gnug darume tud so must ir uch gotis rache vorsehin vnd werdit vngehaldin von alle uweren manen stetyn vnd dorffern vnd zcu eyne bispel allin erbarn luthen dy ez erfaren Da her dit vnd des glichin mit on gerette da begunde dy muter frou
- F241-004v,07 we sophie weyne vnd frouwe elsebethe vnd dy zcwene gebrudir lant{5}ue heinrich vnd conrad also sere das man on stüren muste Vnd bewegetin ouch den bischoff vnd dy erbarn lute frouwin vnd man also swinde das dy luthen musten voneyn
- F241-004v,08 andir gehin Vnd kundin by eyner ganczin stunde nume mit eyndir geredin Da sich dyt iamer vnd clagin gelegete Da quamen dy herin wedir zcusamene vnd dy zcwene lantgrauen heinrich vnd conrad dy tratin vor sente elsebethin Da sue by or swegir iamerig mit andern erbarn frouwin sas vnd bothin su dorch god das sue oen vorgebe was sue an or gehan hettin sue woldin sue des irgeczczin vnd or kindir Vnd was dy selbin herin dy mit ome usze gewest werin irken
- F241-004v,09 tin das su or thun solden das woldin sue thun ane wedir rede Also nam sue frouwe sophie or swegir da mit or uff orin wagin Vnd dy frouwin von ysenache or gesinde ouch zcu on uff oren wagen vnd brachten su kegin warperg vnd zcu ysenache Da tadin dy luthen gemeynlichin suberlichin zcu or Also nue dy liebe frouwe sente elsebethe mit or swegir wedir kegin ysenache quam Da wert su von den borgern vnd bor
- F241-004v,10 gerschin gar frolichin enphangen vnd sere geclagit vnd or grosze ere erbothin Da furte su or swegir dy lantgrauyn zcu warperg vnd tadin suberlichin vnd funt
- F241-004v,11 lichin zcu or Vnd tadin or gamchis gnug mit orin kindern vnd gesinde Vnd wol das lant{5}ue lodweig or herre eynen erbin gelaszin hatte der da was eyn kind von sechs iarin Wan nue lantgraue heinrich der eldisitr vndir on was Darume so nan her sich der herschafft an vnd hilt das lant yne mechtlichin vnd gestrenglichin In deme andern iare darnoch Also man zcalte noch cristi gebort tusint zcweihundert vnd nuenvndzcwenzig iar Da hatte sente elsebethe keyne lust noch froyde zcu wert
- F241-004v,12 lichir ere dy man or stetlichin erbod zcu warperg vnd zcu ysenache Von or sweger vnd den lantgrauen orin sonen Sundern su hatte mir vordrosz vnd betrupnisze dar
- F241-004v,13 von Vnd bad su gutlichin das su or lip
- F241-004v,14 dinge lizsin folgin su wolde gote dynen vnd sich alleyn haldin wol das su vel frier hatte Vnd su dy lantgrauyn vnd der bischoff gerne vorgebin hetten eyne fromen forsten wan sue was noch jung so was or wille darczu nicht Also lizsin sue sue zcu martborg uff or lipgedinge furin vnd gabin or darczu gereyts gel
- F241-004v,15 dis das or wol gnugete Vnd schiet da fruntlichin vnd gutlichin von oen Vnd liez on ore kindir den son hildin su by on zcu warperg vnd zcu cruceborg Vnd dy tochtir gabin su deme herczogin zcu bra
- F241-004v,16 bant da su zcu vollin komen aldir quan Also buwete sente elsebethe eyn nuwen spetal vor der stad martborg vnd dynete gote daryne bisz an or ende Vnd starb an der selbin stad also sue viervndzcwen
- F241-004v,17 czig iar alt wart Dit was da man schreib noch cristi gebort tusint zcweihundert vnd eynvndedriszig iar DArnach also man schreib noch cristi gebort tusint zcweihundert vnde funff vnd driszig iar Da wart sente else
- F241-004v,18 bethe erhaben Vnd yn deme selbin iare da hub lantgraue heinrich an zcu buwin Der prediger clostir zcu ysenache vnd dy kirchin jn Üfsente johannis des touffers ere vnd sente elsebethin Vnd dit was dy erste kirche dy yn or ere ye gebuwit wart Vnd der erste prior der was da Brudir elger eyn graue von hoensteyn geborn Darnach also man schreib noch cristi gebort tusint zcweihundert vnd achtevnddriszig iar da starb frouwe sophie sente elsebethen swegir zcu warperg vnd wart begrabin zcu sente katherinen vor ysenache Vnd darnoch also man zcalte noch cristi ge
- F241-004v,19 bort tusint zcweihundert eynvndvierczig iar da starb lantgraue herman lant{5}uen lodewigis vnd sente elsebethen son zcu cruceborg yn syme achzendin iare deme vorgab frouwe berthas von Sebach lant
- F241-004v,20 grauen heinrich zcu liebe wan her forchte her vordrunge on vnd syne kind ab her dy gewune von deme lande Vnd darume so plagete on got also das her vnd syn brudir storbin ane libis erbin Vnd der blig entprante zcu warperg den groszin torm vnd das mueezhuesz Dy beyde schone mit blie gedackit warin Vnd der junge lantgraue herman der kosz syne begrafft kegin martborg by syne muter sente elsebethen Vnd des wolde lantgraue heinrich nicht gestatin vnd forchte das on syn muter von deme tode wedir uff irquickete vnd liz on fueren zcu reynhardisborn da lit her begrabin In deme selbin iare nam lantgraue hein
- F241-004v,21 rich von doringen vnd hessen vnd eyn phalczgraue von sachsen des herczogin tochtir von ostirrich genant gertrud vnd mit der gewan her keyne kindir wan ome got des nicht gunde Vnd her machte gudin frede zcu doringen vnd zcu hessin Also man schreib noch cristi gebort tu
- F241-004v,22 sint zcweihundert sechs vnd virczig iar da wart lantgaue heinrich gekorn zcu eyne roemischin konige wedi keysern frederichin Dit das quam also jn deme iare also man schreib tusint ccxlij iar Da hiesch der genantir keyser alle dutzsche forsten kegin frankinford vme synen son Conradin den hette her gerne zcu eyne roemischin konige

gemachit vnd das dy koerforstin on da gekronet hettin Vnd des en wolden dy bischoffe zcu mencze zcu tryre vnd zcu kolne nicht thun vnd darume so missebod her gote vnd der heyligen cristenheid vnd sp{5}ch dry man sint gewest dy alle dy werlt betrogen han Das ist gewest moyses der hat betrogen dy juedin vnd jhesus dy cristin vnd machemech dy heidin Darume wer ez das ir forstin mir gehorchin woldit So wolde ich zcwar vel eyne beszir wise vnd eyn lebin obir alle geborte der lute usz richtin Deszir miessebitunge irschrockin dy forstin vnd dy grauen dy das von ome vornomen zcu male sere vnd wordin darume betrubit vnd schrebin dit dem babiste Cregorio deme nueendin des na

F241-004v,23 men Vnd wan nue lantgraue heinrich von doringe was der eldistir der iar vndir den forsten vnd eyn phalzgraue zcu sachsın Darume so was her der erstir yn deme briffe vnd der babist behilt den briff vnd ted keyser friderichin yn den ban ab her sich wolde beszirn vnd erkenen mit syme errethum Vnd der babist starb vnd der keyser karte sich an den ban zcu male nicht Da wert eyn andir babist noch deme gekorin Der belasz der forstin briff vnd bestetigete den ban des keyzers Der was genant jnnocencius der virde des namen Der saczte den keyser abe vnd schreib den forsten yn dutzschin landin vnd des richis stetın Su suldin or eyde vnd truwen ge

F241-005r,01 lobede des keyzers ledig syn wan her eyn ketzcer were vnd soldin lantg{5}uen heinrichin von doringen den fromen cristen forsten vnd gesterngen ritter erwelin zcu eyne roemischin konige Vnd das woldin dy forsten von stunt thun Da sp{5}ch lantgraue heinrich Das su das liszin gutlichin stehin bisz her deme babiste wedir geschrebe wan su wusten alle wol das her darczu nicht en tuechte vnd vor aldir nicht wol vormuechte vnd das tadin sue Da schreib her deme babiste wedir vnd bad syne gnade Das her on des richis vorhube wan her were eyn obiraldir man vnd vormochte sogetane erbeit an deme libe nicht das her den keyser vortrebe wan her hette wolsobinczig iar Ouch so hette her weder kindir noch brudir dy das vor on tedin vnd were vngefrunt von forstin wegin dy on an gehortin Das drette das her hette eyn kleynes armes land sogetanes koste usz zcurichtin Da sante ome der babist kegin venedic yn dy wechsilbant funff

F241-005r,02 vndzcwenzig tusint lotige marg silbirs Da her den krig mede furin solde vnd suldenere haldin Vnd schreib ome das her das riche zcu ome neme by gehor

F241-005r,03 same gotis vnd der heyligen cristenheid Den briff wisete her den forsten vnd sprach den gehorsam den wel ich hal

F241-005r,04 din vnd solde ich irslagin werde vnd numer zcwey iar gelebin Vnd der babist sante ome darmethe eynen briff wan her gestorbe wo her dan begrabin worde Da solde eyn iclichir wer ruwe vme syne sunde hette Vnd uff syne iargeczijd vnd dy achte tage vor syne sele vnd alle gloubige sele got bethe wy digke her das tede von deme babiste habin vnd von gote erwerbin zcwey iar ablas vnd gab eynen briff darobir wer on usz grube der were yn des babist{2} banne Da legete her sich vor frangford vnd lag vier wochin davor also der konige gesezczze ist Vnd dy forstin zco

F241-005r,05 gin zcu ome vnd hullfin ome getruwelichin Vnd des keyzers son herczoge conrad der quam mit eyne groszin here von swabin Vnd wolde on abe tribin vnd da wart eyn groszir strit vnd der herczoge vorlosz den strit vnd floch mit den swabin Vnd lantg{5}ue heinrich der wart zcu konige gekronit Vnd darnoch yn deme andern iare da zcoch her mit gewalt yn swabin vnd treib on usz deme lande Vnd zcoch da dane ke

F241-005r,06 gin ysenach vnd bestalte was her zcu be

F241-005r,07 stellin hatte suberlichin vnd darnoch zcu warperg uff dy borg vnd saczte syn selege

F241-005r,08 rethe wan her nam vaste sere abe vnd lag nicht lange vnd starb vnd koesz syne begrafft zcu sente katherinen by synen vater lantgrauen herman Vnd darume so suchin noch dy lute da das albas an sente julianen tage vnd dy achte tage vor ysenach vnd bethin vor syne sele Deszir konig heinrich der starb ane libs erbin Vnd darume so geschach vel obils yn doringen da her gestarb vnd ouch in hessin wan vel erbar lute dy beschedigeten dy stete vnd das lant wan su meynten das on das nymant werete Herwig von horsilgow vnd hans aczce vnd or geselleschafft vor deme walde Dy rantin vor dy stad ysenach vnd slu

F241-005r,09 gin zcusamen al das vihe das su vor der stad fundin Vnd fingen den voyt von reneberg der on das gerne gewerit hette Ouch dy dinstman yn deme lande wo dy wuesten berge dy on behegelich warin dy buweten su wan nymant was der ez wedir spreche Da buwetin dy von wangeheym den horsilwerg Dy von tulstete steynforst her herman strancz der ritter straszınowe gelegin by schonowe Dy von lupiniczce dy ma

F241-005r,10 littinborg pobir fischbach Dy von erffa luchtinwalt Dy von kobestete scharf

F241-005r,11 finberg Dy von frankinsteyn wal

F241-005r,12 dinborg Dy hessin dy buwetin bran

F241-005r,13 dinfelsz das warin dy von boymel

F241-005r,14 borg Dy von dreforte dy kragenborg Vnd andir vel slosz vme ysenache dy wordin uff geslagin vnd ouch kene

F241-005r,15 natin des zcu vel worde als usz zcurichten JN des so quam dy herczogyn

F241-005r,16 ne von brabant sente elsebethen tochtir dy hatte eynen son der was eyn kind vnd was koning heinrichs bruder tochtir son Das was lantgrauen lode

F241-005r,17 wigis son mit deme hildin ez eczliche hessin So warin eczliche yn doringen dy hildin es mit marcgrauen heinriche von missin vnd usz deme ostirlande der was koning heinrichs swestir son Also quam dy herczogyne von brabant mit orme sone yn dy hessin vnd nam da yn vaste slosz vnd stetichin wo su kunde Ouch so warin da eyn teyl slosze vnd stete dy des nicht thun woldin su wordin dane des entscheiden weme su bilche vnd von rechte huldin soldin



Also quan ouch marcgraue heinrich usz missin Vnd nam zcu doringen yn sloz vnd stete wo ome das geboren mochte Da ome ouch eczliche sloz vnd stete wedir sprochin Vnd so warin eczliche erbar lute grauen vnd herrin ritter vnd knechte stete vnd sloz zcu doringen vnd zcu hessen dy or keyne huldin noch globin woldin Ez worde alrest mid deme rechtin usz getragen adir wordin des vndireynandir eyn welchin su huldin suldin Also quan es das su tage miteynandir lestin vor ysenach Da ryten dy herin ore rethte vnd frunde sue mustin das vor deme riche usz tragen ez en were dane das sue sich fruntlichin vndireynandri geeeynen kunden vnd yn des so were das der herczogin das beste vnd on allin beyden fromelich das su ome das lant yn gebe was sue rechtis darane hette zcu getruwir hant so moch

F241-005r,18 te her es byeynandir behaldin Andris so worde es on yn der zcweytracht an ge

F241-005r,19 wunen vnd wordin syn hindenoch vnmech

F241-005r,20 tig wan marcgraue heinrich der were zcu synen iaren komen das her es bescher

F241-005r,21 men kunde So were or son noch eyn kind vnd er der zcu eyne mane worde so vor

F241-005r,22 lore her das land Dit das ted dy herczogyne vnd zcoch darnoch wedir kegin brabant HEinrich marcgraue zcu missin vnd marcgraue yn deme ostirlande for

F241-005r,23 munde des landis zcu doringen vnd zcu hessin Der nam zcu der ee frouwin constancian Also man schreib noch cristi gebort tusint cc xlix iar Also nue sach frouwe sophie dy herczogyne von brabant das dutzsche lant frundin ane keyser vnd ane koning der or recht orteylete obir das lant zcu doringen vnd zcu hessin Da quam su vnd brachte orin son heinrichin herczogin zcu brabant kegin ysenache vnd liz den rad vorbotin Vnd legete on vor das su orme sone hultin dy wil das keyn romischir koning were gewest by iare vnd tage vnd vaste lengir Wan sue selbir das wol irkentnin das or son eyn rechtir erbe zcu deme lande were Da antwertin sue das sue bysz yn das riche sich vorwillekort hetten vnd daruff hetten sue globit marcgrauen heinriche was da worde yn rechte usz gesprochin das woldin sue gerne haldin ane wedir rede ez were obir lang adir obir kort vnd woldin nicht anders thun Da zcoch su vmutig wedir kegin brabant Dorch hessin vnd machte orin son zcu eyne lantgrauen zcu hessin obir dy stetchin dy sue mit deme erstin hatte yn ge

F241-005v,01 nomen vnd nante on eynen lantgrauen von hessin wol das ez keyn lantgrauethum da was sundern genant Ez hisz yn der herschafft zcu hessin Sundern frouwe sophia nante orin son also dorch das landis willin zcu doringen so nante man on yn doringen das kind von hessin Da sich dit also lange vor

F241-005v,02 zcoch wan ez wordin dry romische koninge nocheynandir des keyner geruwig noch stete wart Darume so vordirte frouwe sophie an orme mage dem marc{5}uen heinr{3} Das lant zcu doringen das su ome zcu getru

F241-005v,03 wir hant yn gegeben hatte Vnd wolde oris rechtin by den grauen zcu doringen vnd den frien heren orin manen vnd by den von ysenache blibin vnd sue leysten darume tage yn deme perdiger clostir zcu ysenache Da rietin marcgrauen heinriche syne rethe her solde des landis zcu doringen nicht usz der hant gebin noch laszin noch synes rechtin vor der manschafft zcu dorin

F241-005v,04 gen vnd vor der stad ysenache wortinde syn wan her queme andirs davon Sundern blibin also das von beidir partie gewillekort were vor deme riche Her solde das lant zcu doringen yn fruntschafft nicht mit or tey

F241-005v,05 len her were also mechtig wol das her or wedir stunde Also schiet frouwe sophie von deme tage betrubit Also das keyn stad zcu doringen or bestunt dane dy von ysenache alleyn DOrnoch also man schreib noch cristi gebort tusint cclvii iar Also noch dy zweitracht werte vndir marcgrauen heinriche vnd frouwin sophien von Brabant vme das lant zcu doringen Vnd das vel obils vnd schadin yn deme lande geschach Vnd keyn romisch koning also getruwig was das su des entscheidin wordin mit deme rechtin Da getruwete frouwe sophie mit orme sone das lant zcu doringen mit gewalt nicht zcu ir

F241-005v,06 krigen Sundern sue mueste das mit hulffe andir forstin endin Nue was herczoge albrecht von bruenswig gar eyn mechtiger forste vnd eyn gest{5}ngir muetigir man Der hatte eyne junge tochtir zcu deme quam su vnd friete dy tochtir orme sone Uff das her or wolde helffin zcu deme lande zcu doringen so solde den kindirn beidin Brabant doringen vnd hessin folgin Vnd also wordin dy kindir zcusamene vor

F241-005v,07 truwit Da wart yn das land eyn groszin zcoch uff dy doringischin grauen vnd stete von den sachsinn hessin vnd von den von ysenache tegelichin vnd von den von merilsteyne dy ez mit den von ysenach hildin wedir warperg das marcgraue heinrich yne hatte vnd vorbuwetin das mit der frouwinborg Da buwete ouch marcgraue heinrich uff dy von ysenach den kalinberg vnd hilt ez mit den andern erbarn luthin dy sloz vme ysenache ge

F241-005v,08 buwit hattin Also hyvor geschrebin stehit Dy malittinborg Scharffinberg Straszin

F241-005v,09 owe Waldinborg luchtinwalt Bran

F241-005v,10 dinfelsz vnd was der mer was Vnd glo

F241-005v,11 bete dy zcu redin ab sue belegin wordin Also man nue schreib noch cristi gebort tusint cclix iar Da zcoch frouwe sophie mit orme sone mit hulffe des herczo

F241-005v,12 gin von brunswig vnd der hessin vor cruceborg vnd gewunen dy stad vnd bran

F241-005v,13 ten sue reyne usz Abir der borg mochten sue nichz gewynen Jn deme andern iare darnoch also man schreib mclx iar Da quam marcgraue heinrich mit den synen an sente pauwels nacht also her bekart wart Da was vel windis vnd vngewetters vnd irsteig ysenache by deme hoen bergfrede yn byder barfuszin garthin vnd gewan ez vnd yn des ouch den mteilsteyn mit vorrethenisze so wert der metilsteyn irstegin an dem aller stickelsten kegin den sichin da der hoer steyn stehit Dy wile das sue vorne wortin wy den von ysenache gesche Da su schrietin vnd dy stormglockin luttin

vnd vor

F241-005v,14 branten den metilssteyn Vnd was su nicht vorbornen mochtin das brachin sue nedir Vnd da musten dy von ysenach hulden erblichin Vnd eczliche borger dy weder on gethan hatten vnd ane synen willin recht wedir on gesprochin hatten vnge

F241-005v,15 betin dy liz her kopphin vnd dy da sp{5}chin das her czu deme lande zuc doringen keyn recht hette Da was vndir on eyn mechtiger borger der hisz von welchspeche Der was also veste yn syme syne wy digke man den fragete bisz yn synen tod wes das land zcu doringen von rechte were So antwerte her alleczijd des kindis von hessin Den legete man yn eyne blidin vnd warff on tod So sprechin eczliche her worde gesleiffit Vnd eyn ander man wer ez uff eyne andir czijd der von warperg kegin ysenache mit eyner blidin geworffin warde Jn deme selbin iare so liz marcgrau heinrich buwin das slos yn der stad ysenache genant dy klemme Das her usz vnd yn da muchte komen wan ome das ebin were Jn deme selbin iare so irscheyn ouch eyn comete Das ist eyn nuwer sterre mit eyne zcagil adir czackin Jn deme uffgange der sonnen noch der mettin zcijd den sach man bisz uff den tag vnd her hatte vel zcackin Vnd der quan alle nacht uff dy czijd wol sechs wochin adir lengir Vnd dit bedutte groszin krig Wan dy tartern dy czogin obir den konig von frangkrich So czoch der herczoge von brunswig obir marc{5}uen heinrichen NOch cristi gebort tusint cclxij iar Da herczoge Al

F241-005v,16 brecht von brunswig eyn helffer frouwin sophien herczogene von brabant vnd oris sonnes Groszin schadin yn dem lande zcu doringen geted vnd mid den grauen vnd herin daryne vel stritis ge

F241-005v,17 hilt vnd marcgrau heinrich selbir da nicht kegin ome quan Da wart her also gar mutig das her yn das ostirland mit ewalt zcoech vnd brante vnd herete daryne vnd ted groszin schadin Dit vor

F241-005v,18 nam her rudolff der schencke von farila eyn mechtigir vnd eyn strithafftiger man vnd zcoch zcu marcgrauen hein{3} vnd brachte ome gudis folkis hundirt man mit helmen vnd suchte oen zcu lipczk vnd fant syn nicht Sundern syne sone dy warin noch jung Zcu den vnd zcu or muter ging her vnd straffte su wo

F241-005v,19 rume sue das von herczogin alberechte ledin vnd sich nicht wertin Her hette on bracht hundirt man mit helmen vnd mer Das su heymelichin or man besenten vnd sametnin so sue sterkist mochtin so wolde her vorsuchin ab her on gestuerin moechte Vnd dit geschach an sente symonis vnd juden der heiligen apostiln abinde by vigiln adir within Des morgens er dane dy sune uff ging da qoumen sue zcu strite vbd der strit werte bisz obir mitten tag vnd herczoge albrecht wart sere wunt vnd wart gefangen vnd mit ome graue heinrich Von anhalt Graue heinrich von zcwrin Graue Johanis von ebirsteyn Vnd von den ediln herrin zcwelffe dy alle gewunt vnd gefangin wordin vnd von andir siner ritterschafft funffhundert vnd sechs vnd funffczig man mit orin pherdin woppin vns alle or bereitschafft Vnd dy wile das der herczoge mit synen herin yn deme gefengnisze sas Da wart eyne richtunge begriffin zcuschin marcgrauen heinrich vnd frouwin sophien vnd orme sone Also das der herczoge albrecht vor sich vnd syne man gebin solde zcu schaczunge achte slosz Esschinwege Bilsteyn forstinsteyn Aldindorff Wiczczinhuszin Arnsteyn vnd richinbach Dy da gehorten zcu der her

F241-005v,20 schafft Brunswig vnd achtetuzint lotige marg silbris Vnd frouwe sophie vnd heinrich or son dy soldin sich des landis zcu doringen vorzihin vnd alle oris rechtin das su darane hetten Vnd dy stete vnd slosz iczczunt genant soldin su nemen zcu deme lande zcu hessin Also wert deszir krig gericht der da nueen iar gewert hatte vnd doringen vnd hessin wordin zcu lantgrauenschafft vnd quan doringen an dy herschafft zcu missen DArnoch also man schreib noch cristi gebort tusint cclxv iar Da begunde marcgrau heinrich vaste alde Vnd sine zwene sone dy wordin zcu manen Albrecht vnd dittherich Da teylte her sine herschafft yn dry forstinthid Syme sone dittheriche deme gab her das ostirland vnd dy marc{5}ue

F241-005v,21 schafft zcu landisberg Syme sone albrechte gab her dy lantgrauenschafft zcu doringen Vnd her behilt ome selbir missinland Da hatte her das bergwerge das man silbir grub zcu friberg Darnoch yn dem andern iare Da hubin sich dy geisselere yn allin landin vnd ouch yn doringen vele tusint Vnd gingen von eyner stad yn dy andern obin nackit man vnd wip vnd hiwen sich vnd sp{5}chin wer dy busze antrebe virczig tage der wer alle syner sunde ledig Vnd dy busze hatte on nymant gesaczt Sundern su hatten su selbir irtracht Vnd lizsin an manchin endin dy huszir vnd dy dorffer wuste stehen Darnoch yn deme andern iare Das was da man schreib tusint cclxij iar Da wert zcu male grosz gewesir uff sente johanis abinde des touffers Das sich dy kleynen waszir yn doringen irgoszin das daryne luthe vnd vihe irtrunkin Albrecht lantgrau Jn doringen des marcgrauen son von missen Der nam zcu wibe keyser friderichs tochter margaretin der vortrebin was Vnd her gewan by or zwene sone Ticzmanen vnd friderichin vnd eyne tochtir vnd dy wart gegeben herczogin albrechtis sone von bruens

F241-005v,22 wig Vnd yn deme andern iare darnoch also her elich wart da zcoh her yn pruszyn vnd wart ritter Jn deme iare also man schreib noch cristi gebort tusint cclxix iar Da wert lantgrau albrecht siner frouwin marg

F241-005v,23 retin gram vme eyner or jungfrouwin dy was genant kune von ysinberg vnd wolde su laszin totin Da quam sue zcu orm kindin vnd geseynte su da su noch yn orin hotzcin lugin vnd beisz den eldistin friderichen genant yn synen backin das ime der narwe allewege bleip Vnd or wart gehulffen usz deme ritterhusz obir dy muerin von war

F241-006r,01 perg Da quan su zcu frankinford vnd starb yn deme andern iare Jn deme selbin iare also man schreib tusint cclxvij Da hatten dy predigere zcu jsenach or erste capitil NOch cristi gebort tusint cclxx iar Da marcgrau dittherich von lan

F241-006r,02 disberg lantgrauen albrechtis von do

F241-006r,03 ringen brudir vornam das her frouwin margaretin voriagit hatte von warperg vnd su totin wolde vme syner amyen willin kunen von ysinberg Da forchte her das her den kindern vellichte ouch also tede Vnd quan zcu ome kegin ysenache vnd bad synen brudir vme dy kindir Vnd furte su mid ome yn das ostirlant vnd zcoch su bisz das su zcu manen wordin vnd machte sue zcu herin yn syme lande Jn deme andern iare darnoch wart grosz thurede yn dutzschin landen das vele tusint mensche hungirs storbin Da galt eyn erfforter malder korns zcwo loetige marg lotigis silbirs Vnd eyn brod das eyn man uff eyn mal gasz das galt eynen schilling erffortischir phenige Darnach also man schreib noch cristi gebort tusint cclxxxij iar Da starb marc{5}ue dittherich von landisberg lantgrauen albrechtis bruder Der liz eynen son der hisz friderich Der lebete nicht lange vnd starb ane erbin Da gefiel das ostirland vnd missin uff dy zcwene ge

F241-006r,04 brudir friderichin vnd ticzman lantg{5}uen albrechtis sone Vnd der vater wolde dy lant habin So hattin su dy sone yne wan or vetter hatte su on uff gelaszin vnd syn son Deszir krig werte mit on funff iar Da quan der romischir koning Rudolff yn doringen vnd richte sue Dy richtunge halff wenig wan lantgraue albrecht der hiesch synen son apeczin den her gewan von kunen von ysenberg vnd liesz on den koning elichin vnd gab ome teneberg vnd waltershuszin vnd was darczu gehorte vnd hette ome gerne vel slos vnd stete gegeben Abir dy erbar luthe vnd ouch dy stete woldin des nicht Jn deme selbin iare starb marc{5}ue Heinrich von missen Lantgrauen albrechtis vater also her was lxxvj iar alt Vnd lantgraue albrecht hatte sich missIn landis vndir wundin Da quam syn son friderich vnd fing on vnd wart von den herrin ledig geteidingit Abir her muste deme sone missin land laszin Also man czalte noch cristi gebort tusint ccxciiij iar Da was noch lantgraue albrecht synen elichin sonen gram vnd vorkouffte vele gutis yn do

F241-006r,05 ringen sinen sonen zcu hasse Vnd zcu lest so vorkouffte her das lant zcu doringem deme romischin koninge adolphe vor zcwellftusint lotige marg silbirs Das wedir raffen syne sone friderich vnd ticzman mit orin gunern Dit was vme sente micherl

F241-006r,06 tag das konig adolff quan yn doringen das her das lant yn geneme ysenache vnd alle stete vnd slos usz genomen warperg Das wolde lantgraue albrecht ynne behalde dy wyle her lebete Also nam der koning der vel yn Or was ouch vel dy ome nicht huldin woldin Vnd besundern dy grauen vnd dy ediln dywile dy rechtin erbin lebetin Da das der konig gesach da samente her eyn mechtig grosz heer von deme ryne zcu pherden vnd zcu fusze vnd zcoch yn doringen vnd herete vme sich freiszlichin virczen tage Vnd schoneten wedir clostir noch kerchin noch der clostir jungfrouwin Da besamenten sich des lantgrauen friderichs voyte vnd dy erbarn luthe vnd slugin or vel tod Da quan ez das sue der rynischin vel funden yn eyne jungfrouwin clostir dy sue da schantin vnd notczogetin den wart allen usz gesnetin dy erbar warin vnd dy andern tod geslagin Des schemete sich der konig adolff vnd quam zcu molhuszin da worin sue also vnbescheidin das su dy borger usz trebin Darnoch zcoch her zcu friborg vnd ge

F241-006r,07 wan ez vnd verbrante ez Darnoch zcu cruceborg das vorbrante her vnd gewan es Darnoch so wart her tod geslagin an deme ryne DO man schreib noch cristi gebort tusint ccc iar Da starb kune von jsinberg vnd or son apecz vnd wordin begrabin zcu sente katherinen vor ysenache von den zwen das gancze obil des landis zcu doringen quan Darnach nam lantgraue albrecht dy grauyn eczwan des grauen wip von deme arnshow Vnd lantgraue frederich der nan or tochter da selbis elsebethin siner stoffmutter tochtir frouwin alheydin vnd schreib or heymelichin das her es yngute getan hette Noch cristi ge

F241-006r,08 bort tusint ccvj iar di stad ysenach hultin vnd eczliche andir slos deme romischin riche vme des kouffis willin der geschen was von konige adolffe Vnd dy beschedigetin sere darume dy jungin lantgrauen vnd vordirtin sue also or veterlichis erbe vnd darume so machte der nuwir konig al

F241-006r,09 brecht eyn heer yn doringen vnd uff dy es mit den jungin forstin hildin Dit geschach vme sente peters tag vor fastnach Dan noch so tadin dy lantgrauen den von Jsenach also we das su bathin das on lantg{5}ue albrecht irloubete das su dy kleme nedir brachin uff das dy stad darvon icht vorrathin worde vnd on an gewunen Vnd brachin ouch neder zcwene torme an vnsz frouwin kerchin dy yn der stad muren stundin Darnoch frouwe alheid dy vorriet orme eydume stiffsone warperg der yn deme lantgrauen loche vorholin bleib zcu nacht vnd ez irsteig hindin by der cisternen vnd gewan ez Da das dy von ysenache vornomen da belogin su mit des konigis voyte des g{5}uen von wilm

F241-006r,10 owe vnd mit des richtis stetin warperg dren endin uff deme metilsteyne uff der frouwinborg dy holczirn was Vnd des konigis hauptman vor genant lag mit den von molhuszin northuszin saluelt vnd mit den yseneschin uff der yseneschin borg Also das dy keller daruffe noch usz wisin vnd dy blibin stad Vnd mittin uff deme berge stunt eyn steynen bergfred da der von wilmowe yne lag Vnd also lantgraue albrecht warperg verloren hatte Da zcoch her mit syner frouwin alheydin zcu erfforte yn Da hiwin dy von ysenach den hagin vme warperg vnd lang{5}ue fre

F241-006r,11 derich der was mit syner frouwin elsebethin zcu warperg vnd leit groszin kumer vme spise Da gelag syn wip mit eyne kinde vnd sin stoffmutter dy quan wedir zcu der tochtir Vnd su gebar eyne tochtir dy wart genant elsebethe Vnd her furte sue mit or amen vnd mit eyne knechte des nachtis kegin teneberg ane der von ysenache dang vnd der apt zcu reynhadrisborn der touffte sue Darnach lantgraue friderich den man nante freidig vff das sin frouwe vnd or muter icht hungris mit orme gesinde stor

F241-006r,12 bin vnd das keyserliche slos warperg icht gewunen worde So reit her zcu syme swager dem herczogin zcu brunswig vnd richte spise usz vnd zcoch vor ysenach mit dren hundert manen mit helmen vnd gewan dy frouwinborg vnd treip dy wagen mit der spise ane der von ysenache dang obir dy frouwinborg zcu warperg vnd gewan dy ysenachir borg vnd fing den grauen von wilmowe vnd der starb yn deme gefengnisze vnd wert zcu ysenache begrabin zcu den

predigern Jn deme andern iare starb syn bruder marc{5}ue ticzman von landisberg Vnd wart begrabin zcu lipczk vnd lantgraue frederich der freydiger der wart da alleyn eyn here obir missin ostirlant vnd doringin Also man schreib noch cristi gebort tusint ccvii iar Achte tage noch phingisten Da samente der romischir konig albrecht eyne herfart yn das ostirland uff lang{5}uen frederichin den freidigin wan her vornam das her dy doringe hette obri wundin vnd meynete her wolde geynen vnd besche

F241-006r,13 digen mede missin vnd doringe dy lant alle dry Vnd hatte gar grosz folk von ostirrich beyern vnd swabin gesament Vnd also das gesach lantgraue frederich der freydiger Da samente her ouch zcu ome missener sachs in vnd doringe vnd zcoch zcu on vnd streit mit oen an sente petronellin tage by deme dorffe lucka Vnd das heer des koningis lag darnerdir vnd wordin da ge

F241-006r,14 fangin tusint vnd ccc man vnd gar eyn grosz folg irslagin Vnd wert der strit vnd mort also grosz das eczliche der swabin dy roes uff snetin vnd krochin yn dy runphe Davon quan das spruechwort ez ging oen also den swabin vor lucka Darnoch besamente sich konig albrecht andirweit vnd quan selber kegin doringin yn der erne Vnd ted groszin schadin vnd leiste vel tage mit lantgrauen frideriche dem freidigin vme das lant zcu doringin vnd ouch vme dy gefangin vnd traff keyn ende vnd her wolde ouch dy gefangin vme gelt nicht losz gebin Vnd darume so zcoch her wedir heym yn groszim zcorne Jndes hatte sich der herczoge von beyern besan

F241-006r,15 ment vnd wolde lantgrauen frideriche deme freidigin syn zcu hulffe kommen vnd begeyne

F241-006r,16 te deme konige vndirwegin vnd streit mit ome vnd irslug ome vel folkis vnd der konig sloch zcu nornberg yn vnd da wordin abir vel swabin gefangin JN deme andern iar darnoch Also man schreib noch cristi gebort tusint ccviij iar Da wert der konig von synes brudir sone irslagin Also das dy von ysenache irfurin da wordin su alle oris trostis beroubit Vnd mit vndir

F241-006r,17 teidinge eczlichir g{5}uen vnd herin yn deme lande zcu doringen So gabin su dy stad lant

F241-006r,18 grauen frideriche deme freidigin yn Da nam her dy stad ysenache yn Da sprochin dy grauen vnd herrin vnd dy ediln Das sue dy hulde ome mit gote vnd erin todin wan sue syn vetirlichis erbe weren vnd woldin sue des vorteidingen vor deme riche vnd vor allirmelchin Vnd gabin on gemeynlichin orin uffin briff vnd hingin da alle or Jngesile an Vnd der lantgraue friderich der wart da gancz ge

F241-006r,19 waldigir here zcu doringen Jn deme ostirlande vnd zcu missin Vnd vor synen schaden vnd koste nam her yn eczliche stete vnd slos dy zcu deme riche gehorten mit namen aldinborg kenpnicz vnd zwickoew Jn deme selbin iare so wart graue heinrich von luzilnburg zcu eyne romischin konige gekorn vnd gekronit Also man schreib noch cristi gebort tusint ccx iar Da wart lantgraue frederich geborn zcu gotha uff deme husze Darnoch also man schreib tusint ccxiiij iar Da gewan lantgraue frederich der freidigir mit gewalt vnd listin oschacz torgow vnd hayen obir der elbe Jn deme andern iare darnoch starb lantg{5}ue albrecht der das lant vorkoufft hatte zcu erfforte vnd wart da selbis begrabin zcu vnsz frouwin mitten yn dy kerchin Also man schreib tusint ccxvii iar Da wart gar grosz hungir yn doringen also das vel lute hungirs storbin Da begrubin dy von erfforte achtetusint mensche dy hungirs storbin dywile yn der stad Da galt eyn brot das man mit eyner hant obir griffin mochte funff phenige der phenige dy man yn kupphirn buchs in trug Da galt eyn ysenachir maldir zcwotige marg silbirs Da fant man dy lute tod vor den bachueszern vnd lecketin yn den mullin das stouebmel von der erden Jn deme selbin iare da enprante eyn blig den torm zcu warperg vnd vorbrante syn dach vnd das mueshusz dy warin beide mit blie gedackit vnd da vorbrante vel geschueczis woppinis vnd huszratis uff Jn deme selbin iare also man schreib noch cristi gebort tusint ccxx iar Da gab lantgraue frede

F241-006r,20 rich der freydiger sine tochtir elsebethen lant

F241-006r,21 grauen ottin von hessin sone heinriche DO man schreib noch cristi gebort tusint ccxxiiij iar Da starb der lobelichir vnd freidigir forste lantgraue frederich zcu doringen vnd marcgraue zcu missen vnd yn deme ostirlande dry tage vor sente else

F241-006r,22 bethen tage zcu warperg uff deme slosze Vnd koesz sine begrafft zcu sente katherinen vor ysenache Da lit her yn sente johanis cappellin vnder deme groszin steyne Vnd liz eynen son genant friderichin den hoebischin Der nam keyser lodweigis tochtir genant mechthilt By der gewan her vier sone friderichin balthazarn lodewigin vnd wilhelmen Vnd ouch zcwotochter dy eyne nam den herczogin von lotringin dy andeer wart eyn clostirfrouwe vnd eyn eptischin zcu suselicz Noch cristi gebort tusint ccxxvii iar Da wart keyser lodweig gekronit zcu rome zcu keyser Vnd darnoch so wert eyn zcweytracht zcuschin deme babiste vnd ome vme eyn lant wan der babist meynete ez gehorte an dy kerchin So meynete der keyser ez gehorte an das riche Vnd darume so ted on der babist zcu bane Jn dem her bleib bisz an syn ende Vnd also man schreib noch Xus gebort tusint ccxxxiiij iar Da quan keyser lodewig kegin ysenache vnd zcu warperg vnd machte eyntrechtikeid vnd frede zcuschin syme eyden lantgrauen frideriche vnd syner muter dy sich brachin vme or lipgedinge Vnd dy predigere hilden den keyser benisch zcu ysenache vnd swegin lange czijd vnd dy phaffheid Dy vnd dy andern clostir sungen uff des keyseris beruffin wan her kreig geistlichin wedir den babist vnd werete sich JN deme selbin iare lantgraue heinrich zcu hessen der gewan lieb eyne jungfrouwin syner frouwin elsebethin dy eyn swestir was lantgrauen friderichz von doringin des hoebischin Vnd eyn andir sache was ouch lodweig des lantgrauen von hessen brudir Der tuchte daruff das her gerne were lantgraue zcu hessen noch synes bruders tode wordin Nue hatte syn bruder lantgraue heinrich gereite eynen menlichin son genant otte by frouwin elsebethen deme was vorgebin mit czoeubir zcu spanginberg Nue forchte lantgraue lodweig von hessin das sin brudir mer erbin gewune von frouwin elsebethin Vnd



sagete sime brudir lantgrauen heinr{3} das her sue fundin hette yn eyne ebruche by eyne den her nicht nenen wolde vnd machte das or der lantgraue weder wart Da forchte sue das or vellichte gesche also orme sone otten vnd ted orme brudir botschafft darume kegin ysenache Der bescheit or uff eynen bestacktin tag yn eyne kerchin vor cappil gelegin da solde sue mesze horin Vnd her quam dar starg gnug vnd holete sue vnd furte sue mit dren jungfrouwin kegin ysenache vnd saczte su yn den steynhoff ge

F241-006r,23 legin zuschin sente Jorgen vnd der bar

F241-006v,01 fuszin kirchin vnd schickete or gnug bisz an or ende mit orme hoffegesinde Darnach erfur lantgraue heinrich or vnschult vnd hette su gerne wedir gehad vnd or bruder wolde or ome nicht wedir sende Da wert her vor deme riche darume gefordirt Da sprach lantgraue frederich von doringen her hette ome sine swestir gelestirt vnd yn eynen bosin lumunt bracht der mochte her fordir vngnade bewisin dy wolde her mit rechte wol behaldin Also bleip sue zcu ysenache an or ende Also man schreib noch cristi gebort tusint cccxlij iar Da wart gar grosz wassir yn doringen an der werra vnd an der sal Also das dy wassir dy bruchin zcune huszir dorff mullin vnd was darby lag das furte ez allis en weg vnd das man cu cruceborg obir dy stadmuren mit schiffen fur vnd yn den schiffen kersche von den boymen asz Vnd dy waszir dy warin allirgrost an sente marien magdalenen abinde Deszir genantir lantgraue friderich zcu doringen vnd marc{5}ue zcu missin vnd yn deme ostirlande den man nante hobisch wan her suchte gerne hoffe vnd tamczete gerne Also man schreib noch cristi gebort tusint ccclvj iar Da hatte der von salcza deme bischoffe zcu mencze dy stad salcza halb vorkoufft wedir lantgrauen friderichis des hobischin willin Der da meynte her solde ez ome mogelichin an gebotin habe wan her were des eyn lehin

F241-006v,02 herre vnd darume so logerte her sich davor vnd gewan es mit fure vnd vor

F241-006v,03 brante dy stad Dit geschach uff dy mit

F241-006v,04 tewochin noch vnsz liebun frouwin tage also su zcu hymele fur vnd dy von yse

F241-006v,05 nach warin starg da vor vnd ore schueczin warin dy erstin dy mit deme herin fuer yn schoszin Vnd es vorbranten darenyne obir funffhundert mensche vnd ouch viel or vel dy beyne obir dy muren enczwey vnd dy arme Da man schreib tusint cccxlvi iar Da wart graue gunther von swarcz

F241-006v,06 borg romischir konig vnd ome wart vorgebin von konig karolo von behemen Vnd also man schreib tusint cccxlix iar Da starb lantgraue frederich der hobischir den slug der slag Dit was von eyne spele zcu ysenache uff der rollin Von den funff wisin vnd funff torechtin jungfrouwin vnd da dy torechtin bothin das sich god obir su sich irbarmete vnd maria vnd alle heyligen vor sue bothin vnd das nicht halff Da irschrag her also sere das on der slag slug vnd her starb an sente elsebethen tage vnd wart begrabin zcu reynhardis

F241-006v,07 born Deszir here der buwete dy celle sente elsebethin vndir warperg vnd syn frouwe mechthilt vnd hubin su an da man schreib noch cristi gebort tusint cccxxxj iar Jn deme selbin iare er dan her starb da wordin dy Judin gebrant vnd geslagen yn deme lande zcu doringen vnd zcu ysenach vor fastnacht Vnd es was eyn groszis gemeynis sterbin vnd dy geiszelere dy gingin wedir dy ge

F241-006v,08 wonheid der heyligen cristenheid vnd vor

F241-006v,09 spottin dy phaffeid vnd alle geistliche luthe Da irhub sich zcu deme erstin dy keczerie der geiszelere Jndeme andern iare darnoch das was das funffczigiste iar da wart das guldin iar Da zcoch man zcu rome da vor

F241-006v,10 gab der babist von gotis wegen den rechtin ruvern sunde vnd busze Also man schreib noch cristi gebort tusint ccclvi iar Da was der eldistir frederich vndir den genantin vier gebrudern vormunde des lantgrauen friderichs sone des hobischin gar eyn suberlichir herre der mynstir von libe vndir synen bridirn vnd der gutlichstir Den hatte der rusze von plaw obir farin das her das clagete konig karle mit deme her da zcoch mit heere yn das lant zcu pliszin der sere uff den konig zcu behemen vnd uff das lant zcu missen gegriffen hatte vnd richten galgin uff vor sinen sloszin Da worin zcu fordirst dy von ysenach methe vor andern stetin vnd hilden den ersten storm vnd machtin des ruszin voyte uff den sloszin also zcwi

F241-006v,11 filfftig vnd forchtig Das su gude vnd feste slos gabin vnd dingetin lip vnd lede usz Da wordin vnserme herin frideriche deme gutlichin der noch eyn jungeling was zcu syme teile zceginrig triptis steynrone

F241-006v,12 berg werde Vnd darume so wart der rusze von plaw also zcornig Das her syne voite treib yn eyne schuerin vnd stisz sue an vnd vorbrante sue JN deme andern iare darnoch Da starb grauen gunthers von swarczburg{3} son vnd lantgraue friderich der gutlicher meynte franckinhuszin vnd arnstete halb werin uff on vnd syne brudir gestorbin So sprach der andir brudir su hetten sich vorbundin das or eyner dem andern solde erbin Also wert eyn fruntschafft zuschin on geteidinget das sue lantgraun frideriche gabin dry tusint marg lotiges silbirs vnd dry slos dorne

F241-006v,13 berg wintperg vnd griffinberg Also man schreib tusint ccclxj iar Da wert eyn zcoeg yn dy buchun uff den apt von fulde von dem lantgrauen von doringen vnd von deme von hessin vnd wart uff deme felde an deme erstin tage gericht Jn deme selbin iare starb dy marcgrauyne elsebethe zcu gotha Also man schreib noch cristi gebort tusint ccclxv iar Der herczoge von brunswig genant vome salcze Der roubete dy lantgrauen zcu doringen Vnd spotte or vnd sprach das es dry tage marc{5}uen vnd lantgrauen reynte her wolde das syne wol vor on behaldin Also zcoch langraue friderich der gutlichir mit den von ysenach vnd mit den doringischin steten uff on Vnd gewan ome an dy hindinborg dy haerborg winthuszin vnd lichtensteyn vnd vortrebete ome syn bendichin zcumale Da wart eyn frede gemacht vnd den brach der herczoge vnd darume so obri zcoch on lantgraue friderich andriweit vnd mit ome hatte achzentusint gewoppinte vnd

twang on da noch alle sime willin Jn deme selbin iare zcoch lantgraue baltazar hern friderichs des gutlichin brudir yn engelant zcu deme konige vnd wart da ritter Jn deme andern iare darnoch zcoch der selbe here yn das ostirland vnd hing vel der roubere DO man schreib noch cristi gebort tusint ccclxvj iar Da wart ertbebunge zcu molhuszin vnd zcu ysenach yn der phingist

F241-006v,14 wochin Jn deme selbin iare da wart eyn strit zcu franckin von deme grauen johans von swarczburg vnd dem bischoffe von werceburg vnd der graue lag darnedir vnd muste wassinborg vorkouffin den von erfforte vnd liebesteyn vnd swarczin

F241-006v,15 walde Vnd des wolde on lantgraue fride

F241-006v,16 rich nicht bekenen Darume zcogin dy von erfforte mit ome vor den keyser vnde lantgraue friderich der gutlichir der bestalte das sue der herczoge von beyern vnder

F241-006v,17 wegin fing vnd nam on ore briffe vnd nuentusint guldin Vnd solden sue von ome loz werdin So muste der graue von swarczburg dy dry slos dem lantgrauen frideriche vor xij tusint marg silbirs gebin Darnoch gabin sue eyn grosz gelt deme lantgrauen Also man schreib noch cristi gebort tusint ccclxvij iar Da starb frouwe elsebethe lantgrauyne zcu hessen yn der stad ysenache Darnoch obir zcwey iar da wart grosz waszir zcu salzca das vel luthe irtrunkin Jn deme selbin iare so irmortin sich dy von northueszin Also man schreib tusint ccclxxj iar Da ligin dy von erfforte von molhuszin vnd von northuszin danedir vor hansteyn Darnoch obir eyn oar do irhue

F241-006v,18 bin sich dy sterner der houbtman was herczo

F241-006v,19 ge otto von brunswig Ez warin ritter vnd knechte von deme ryne usz franckin vsZ der buechin usz den wetereibin usz hessen usz sachszen wol zcweitusint dy trugin eynen sterrin kegen den vorbuendin sich lantg{5}ue herman von hessin vnd lantg{5}ue balthazar von doringen mit oren manen vnd sloszin vnd brachtin es darzcu das dy sterner vor

F241-006v,20 gingen Jn den geczijten Wart herczoge magnus zcu luneborg yn der stad irsla

F241-006v,21 gin vnd mueste sangerhuszin den lantg{5}uen vorkouffin Also man schreib iar Da starb der ercebischoff Jochen zcu merencze vnd dy thumhueren dy korin bischoffin adolphin von nasz

F241-006v,22 owe bischoffin zcu spire Der babist bestetigete den bischoff lodwigin von babinberg Brudir der drier lantgrauen von doringen vnd marc{5}uen zcu müssen Vnd da hub sich eyn groszir krig zcuschin on Dy von erfforte dy hildin ez mit dem cappittel zcu mencze vnd wordin von den doringischin herin beschediget Vnd su vorbottin zcu on bischoffis adolphin der quan vnd brachte mit ime vel grauen vnd herrin vnd legete sich vor gebese vnd wol

F241-007r,01 de ez gewyne Da samente lantg{5}ue baltha

F241-007r,02 sar syne man vnd stete vnd legete sich kegen ome also das dy vnstrud zcuschin on was Jn

F241-007r,03 des quan syn brudir lantgraue friderich der gut

F241-007r,04 lichir usz muessen vnd brachte gar vel folkis Das vornam bischoff adolff vnd floch yn erfforte Vnd desze genantin vnse forsten dy belagin on yn der stad achte wochin vnd hatten davor driszigtusint gewoppnite man Da quan der keyser karl vnd machte eyne süne vnd bischoff lodewig der quan zcu meideborg vnd nam das bischtun yn formundeschaft yn Vnd bischoff adolff zcoch an den ryn Also nue desze dy genten gebrudir friderich Balthazar vnd wilhelm dy dry land doringen ostirland vnd missen lange wile mit eynander yne hattin Vnd der eldistir hatte des von henberg tochtir frouwin katherinen dy ome mede gab kueborg sunenberg Da gewan her von or dry sone friderich wilhelmen vnd Jorgen Vnd dy andern zcwene bruder hatten nicht kindir Da wordin su des ratsiz das sue dy land teiletin Also das land zcu doringen das gefeil lantgrauen balthazar Vnd das land zcu landisberg das man nenit das ostirlant das gefeil dem edilsten brudir frideriche deme gutlichin vnd synen kindern Vnd das land zcu missen das gefeil herrn wilherlme deme jungisten vndir den dren Dach also das friberg dy stad vnd das silbirwerg or allir dryer was Da nam lantgraue balthazar des borgrauen johans von norinberg tochter Vnd ome wart mit or hiltborg vnd hilt

F241-007r,05 borgeshuszin vnd esefeld Vnd by der hatte her eynen son der was genant friderich der eynfeldigir vnd eyne tochtir dy gab her deme herczogin von sachszen vnd frederich syn son der wart noch synes vater tode hern balthazars lantgraue zcu doringen vnd nam zcu wybe frouwin anen grauen gunthers tochtir von swarczburg Vnd hatte keyn kind mit or Also man schreib noch cristi gebort tusint ccclxxix iar Da namen dy karthuszer sich an zcu ysenach or clostir zcu buwin Jn deme selbin iare so quam brandinberg an dy herschaft zcu doringen NOch cristi gebort tusint ccclxxxj iar Da starb der duerchluchte forste marc{5}ue friderich der gutlichir here vnd lyt begrabin zcu der czelle yn missin yn syme li iare vnd der lisz dry sone friderich wilherlmen vnd Jorgen Der eldistir friderich der wart eyn herczoge zcu sachszen Dy andern zcwene wil

F241-007r,06 helm vnd Jorge dy starbin ane wibe vnd ane libis erbin Jn deme selbin iare starb ouch syn brudir der erzbischoff zcu mencze vnd her was noch zcu deme bischtun nicht komen vnd vil sich tod vnd her lit begrabin zcu meydeborg Darnoch also man schreib noch cristi gebort tusint ccclxxxii iar Da warin dy von brandinfelsz fient wordin lantg{5}uen balthazars vme der von erfforte von molhuszin vnd northuszin willin Der hulffer her was vnd beschedigeten dy von Jsenach vnd cruceburg Darume so zcoch her da

F241-007r,07 vor mit synen lantluthin vnd den genantin stetin vnd lisz orin hagin howin vnd schosz gosze lochir daryn vnd lisz mit blidin daryn werffin vnd hette ez mit gewalt gewunen hettin syne man getan dy borgelehin daruffe hattin also gabin sue ez ome yn Vnd enphingin ez weder von ome vnd verswuren vnd vorbriffetin on vnd dy genantin

stete vnd vorbriffetin das wedir su darvone nicht zcu thune ez were dan das her mit den stetin kregte so soldin su dy frede vnd dy süne mit ome haldin Darnoch also man schreib noch cristi gebort tusint ccc

F241-007r,08 lxxxv iar Da zcoch der graue von kefirnberg zcu deme heyiligen grabe vnd starb usze vnd liz keynen erbin Da gefyl dy grauenschafft uff den lehinherin lantg{5}uen balthazarn Also man schreib noch cristi gebort tusint ccclxxxvj iar Da hub sich eyne zcweitracht vndir lantgrauen balthazar zcu doringin vnd lantgrauen hermane zcu hessin Jn der zcweitracht lantg{5}e balthazar eschinwege vnd suntra yn nam Jndeme andern iare da zcoch lantg{5}ue balthazar andirweit mit deme bischoffe adolphe zcu mencze vnd mit herczogin ottin von brunswig yn hessin land vnd gewunen rotinberg dy borg vnd dy stad milsungin nydinsteyn gudinsborg ymenhuszin vnd vorbrantin der eyne teil reyne usz vnd desze zcweitracht werete mit on dry iar Also man schreib tusint ccc

F241-007r,09 lxxxviii iar Da machtyn dy richstete yn swabin vnd beyern franckin vnd an deme ryne Der worin sobinczig an der czal wedir dy forstin vnd herin yn dutzschin landin dy sue geleczzit hattin vnd rethin uff sue mit grossim folke vnd vorterbetin on dy gerichte vnd tadin grossin schaden Da worffen sich ouch dy forsten zcusamene eyne iclichir uff dy nehistin stad Also santin dy marc{5}uen von missen vnd der lantgraue zcu doringen dem borrgrauen von norinberg orm vettern den jungen friderichin der eyne herczoge zcu sachsın wart mit zcwenhundirt glen Vnd der borrgraue demutigete dy stad zcu norinberg sere vnd windisheim vnd ro

F241-007r,10 tinborg dy wordin belegin Jn deme selbin iare starb bischoff adolff uff deme eichzfelde den furte man kegin mencze da wert her begrabin Jn deme selbin iare Da fingen des lantg{5}uen balthazars voyte vnd dy von ysenach den von hartinberg vnd dy eichzfelder uff dem heyniche wol sechzig nahe by dorla Also man schreib noch cristi gebort tusint cccxc iar Da hattin dy predigere zcu ysenach or cappittel Da was lantg{5}ue balthazar vnd syn frouwe margaretha gegenwerdig DO man schreib noch cristi gebort tu

F241-007r,11 sint cccxcj iar Da gab der romischir konig wenzlaus den erbar luthen zcu hulffe or phande yn den judin yn allen steten ane houotgelt vnd ane gesuch ledig vnd losz Jn deme selbin iare so zcoch marcgraue frederich heinr{3} balthazars brudir son der eyne herczoge wart yn pruszi mit vel jungin herin vnd erbar lute kindirn vnd wart da yn eyne strite kegin den heiden ritter Darnoch yn deme andern iare da man schreib xcij iar da liz lant

F241-007r,12 graue balthauar heynecke das sLos uff slahin vnd das tadin dy von ysenach weder dy eichisfeldere vnd den ersten nayl den slug der ratismeyster von ysenach genant Reynhart pykynrnil vnd slug da driszig slege vnd gab den meystern dy es hatten uff gehowin also manchin groschin zcu vortrinckin Jn deme selbin iare so entstunt eyne zcweitracht vnder den grauen von swarcz

F241-007r,13 borg vnd den von wangenheim vnd des grauen folk dy branten das dorff sune

F241-007r,14 born da geschach grosz schade den von ysenach an orin forwerkin Vnd dy von swarczborg dy gabin oen vor orin schadin eyne sumen geldis JN deme selbin iare da wolde eyne gebuer der an ge

F241-007r,15 horte dy vettern lantgrauen balthazarn fische gehin vnd quan yn eyne weszirchin by kale Da quam heinrich von deme paradisce eyne borger zcu erfforte der da sasz zcu lughtinberg vnd hatte es gewettit wedir grauen Jochen von swarcz

F241-007r,16 borg vnd begreiff den gebuer vnd hing on obir das waszir Darume so quamen dy jungin forsten vnd belagin lughtinberg vnd gewunen ez vnd her balthazar der wolde sine vettern habe abe getrebin Vnd den von ysenach was usz gebothin vme des bundis willin den her hatte mit den von erfforte Vnd graue heinrich von swarczborg der hiesch lughtinberg vnd kale wedir zcu loesin Vnd sue woldin ez ome nicht Zcu losin gebin vme das her hinder on das vor

F241-007r,17 saczt hatte Vnd darume yn deme xcix iare da clagete graue heinrich das syme vettern deme bischoffe zcu werceborg vnd den andern herin geseszin zcu franckin Dy wordin der jungin forstin usz dem ostirlande vient vnd beschedi

F241-007r,18 geten dy vme kueborg vnd orin gerichtin zcu franckin Vnd der jungin marc{5}uen voyte dy worffin zcu dren malin des bischoffis man vnd helffer darnedir Vnd quan yn grosze schulde vnd darume so vil graue heinrich yn eyne suche zcu konigishofin vnd starb Vnd darume so griffin dy jungin forstin synen vater grauen johanszin der noch lebete ouch yn doringin an vnd legeten soldenere zcu kuenborg uff den bischoff Also quam her yn schulde vnd dy wol

F241-007r,19 din dy von werceborg nicht helffin geldin veme das su von des stift{3} wegin nicht ge

F241-007r,20 macht warin Vnd darume so wordin sue sedir irslagin Vnd der bischoff liz dy mueren neder vme dy stad legin Also man schreib noch cristi gebort tusint cccxcij iar Da hub sich an das guldin iar zcu muessen vnd werte bisz uff sente an

F241-007r,21 dreastag Jn deme selbin iare was also eyne groszis sterbin das man beschrebin hatte xxxiiij hundert mensche yn eyne halbin iare Jn deme selbin iare er deme sterbin da quan an deme phingistage des abindis Also gar eyne obirgrosz regin das der scheiszbach also grosz wart das her den karthuszern ore wende zcubrach ore fische usz orme tiche yn dy stad vnd dorch dy stad furte Dy stad müren by deme waszirloche neder warf eyne husz yn der lowergasze kegin dem waszir

F241-007r,22 loche zucbrach vnd enweg fuerte Das gegettir vor deme waszirloche das lag by deme zciborne der da stehit hoch uff deme reyne Der lowir ledir vnd kubiln vnd andern orin hueszrad der lag uff dem kirchoffe zcu sente clause Dasn thor an der stad stunt obir nacht uffin da ging grosz waszir usz dan dy hosil vnd dy nesze were By sente iacobe was zcumale grosz waszir Das sich dy lute kueme uff den louebin behildin Eyn grosz stram ging zcu der naldin

usz obir nacht Vor dem prediger thore von dem hagin da der sinczcirs born stehit der wart also grosz das her den zcun an den grabin da neder legete Vnd ouch by sente Jorgen thore kegin deme spetal Da das waszir wedir usz muste das selbe was hinder sente katherinen da irtrenckete der bach das vihe yn den stellin vnd ted schadin an den zcünen NOch cristi geboort tusint cccxcvii jar Da sahin dy von fischebeach vnd eczliche vor sente clauwes thore yn sente elsebethin nacht dry grosze fuer Der quan eyn obir den galperg Das andir obir sente petersberg Das dritte von deme walde vnd warin da nicht hoer von dern erdin dane boymes hoch Vnd quamen alle dry mitreynandir yn den horsilberg Dy sage wart gemeyne Vnd darume so lud sue der geistlicher richter an syn gerichte vnd sprach sue woldin eynen vngloubin vnd eyn errethun vndir deme folke machin das soldin su vor

F241-007v,01 huszin Das clageten sue deme rathe zcu ysenach wan su borger da worin vnd bothin or recht das man or mechtig were Der richter wert besant Da irbothin sich or sechzen vnvor

F241-007v,02 legetir fromer luthe su woldin das uff den heyiligen bewisen das ez war wer Also muste su der riochter redelez laszin Da man schreib tusint cccvj jar Da zcoch marc{5}ue wilherlm von missen yn behemen uff den koning vnd lag yn dem tyrgarten vor prage sechs wochin Vnd hatte mit ome synen vettern lantgrauen friderichin hern balthazars son vnd machte on da zcu ritte Jn deme selbin iare Da lag man vor scharffinberg vnd lantgraue balthazar der gewan es ern heinriche von loicha abe der muste das sLos vnd das lant ruemen Jn deme selbin iare wart eyn cometa ge

F241-007v,03 sehin vor fastnacht vel tage darnoch quam eyn groszis sterbin Jn deme selbin iare da werte vnd louffte lant{5}ue balthazar gerstungin wedir den apt vnd stift zcu fulde Also man schreib noch cristi gebort tusint cccciij jar Da nam lantgraue balthazar eyn andir wip dy wetewen herczogin fride

F241-007v,04 richs von brunswig vnd lag by zcu sangir

F241-007v,05 huszin an deme andier tage noch sente mar

F241-007v,06 garetin tage Der brudir der herczoge von sachs{5}in hatte hern balthazars tochtir Dar

F241-007v,07 nach obir zcwei jar da man schreib tusint cccvj jar Da starb der edelir forste lant{5}ue balthazar zcu warperg uff deme slosze an der funffczendin kalendir des brachmandis an syme vollin aldir Jn deme selbin iare so vorloz dy sune orin schyn an deme andern tage noch sente vitus tage zcu mittemorgin vnd werete eyne stunde Jn deme selbin iare da wart eyn gemeyne sterbin Jn deme andir iare darnoch da starb marc{5}ue wilhelm zcu missin der alde der dy resinborg kouffte den kongisteyn vnd pirn gewan vnd ander vel slosz vnd dy herschafft zcu missin sere beszirte vnd buwete vnd liz goszin schatz vnd der slag rurt oen Das her nicht gesprechin kunde vnd her was benueit vor den wisten forsten den dutzsche land hattin her gewan ouch donyn vnd schellingberg vnd vel ander Also man schreib noch cristi gebort tusint cccvij jar Da nam lantgraue friderich der eynnfeldigir yn doringen vnd marc{5}ue zcu missen frouwin anen grauen gunthers von swarczburg tochtir wedir den willin

F241-007v,08 syner vettern Jn deme selbin iare was zcumale eyn hertir winther also das dy zciborne zcu ysenach gefrorin Vnd das wettir vnd frost hub sich an dem andier tage noch sente mertins tage Vnd werete achzen wochin das ez ny gebrach bisz den andirn tag noch sente gerdrudin tage Da muste man dy zciborne uff stoszin vnd dy rouecht{5}in also eyn ofin dy mullin an der werra vnd an deme ryne gefrorin Da geschach eyn geschicht dy wol vor

F241-007v,09 wundir stehit zcu sagin Ez quamen vier wagin von ailsfeld usz hessin kegin ysenach noch mele vnd lizsin ez malen an der nesze vnd luedin ore wagin vnd furin heym Jn

F241-007v,10 des quamen vier wagin von kolne ame ryne vnd woldin mel usz den bachmullin kouffin ab sue mochten vnd kouefftin deszin furlichin vn ailsfeld or meel abe Vnd dy fuerin wedir vme vnd quamen zcu ysenach vnd kouffin wedir korn vnd lizsin abir ore wagin wedir mit meele ladin vnd sagetin wy dy von kolne on das meel abe hetten gekoufft vnd ez heym gefuert Ouch uff der werra was keyne andir ban yn heszin lant dane uff deme yse da was dy lantstrasze NOch cristi gebort tusint cccvij jar Da enstunt lant{5}uen frideriche von doringen deme eynfeldigen vel gluckis yn dem iare kegin synen fiendin an manchin endin Den grauen von anhalt den fingen syne vouyte vnd den edeln anthoniun von bebera Bertol

F241-007v,11 din von hernsteyn Setichin von buchenowe mit andern achzenen orin dynern Vnd der graue von anhalt sas lange wile gefangin yn vessirn Vnd der herre hatte bestalt ander erbar luthe dy by ome warin vnd syn stet

F241-007v,12 lichin hutten yn eyne reynlichin gemache da her yne besloszin sas vnd lag Czu leczst da dingete her vor viertusint lotige marg silbirs Was dy andern erbar luthe vor genant zcu schaczczunge gabin das had man nicht eigintlichin erfarin Jn deme selbin iare an sente panthaleonis tage der da ist an der funfftin kalendir des owistis Da wart den ganczin tag vnd dy nacht also grosz vngewetter vnd also vel doners das syn dy luthe wordin gewonit vnd sich nymant mer daran karte wan man merket vnd zalte das groszir wettir sechszen noch eynandir quamen dy wertin dy viervndzwenczig stunde aneynandir Also man schreib noch crist gebort tusint cccix jar Da hatte dy lantgraue frouwe ane enczabin das sue vnfruchtbar was vnd das ouch von den ercztin vornomen Vnd darume das oris herin vettern eczwas or vngnedig warin also sue sich bedunckin liz veme das su ome vor

F241-007v,13 truwit wart hindir on vnd ane or iawort Vnd or vatir or nicht mede gegeben hatte Vnd der lantgraue yn syner eynfeldickeit synen rad nicht zcu on suechte So wart her an bracht das her synen stet{5}in vorbod man sole sine vettern nicht yn laszin ab sue que

F241-007v,14 men Vnd das wart den vettern geuffin